


ՏԻԳՐԱՆ ՀԱՅԱԶՆ

ԽՆՆԹԵՐԸ



«ՆԻԳ-ԱՊԱՐԱՆ» հայրենակցական, բարեգործական
հասարակական կազմակերպություն

ՏԻԳՐԱՆ ՀԱՅԱԶՆ



ԽԵՆԹԵՐԸ

ՄԻ
ՏՈՀՄԻ
ՊԱՏՄՈՒԹՅԱՆ
ՀԵՏՔԵՐԸ



Երևան
Հեղինակային հրատարակություն
2008

ՀՏԴ 941 (479.25) (03)

ԳՄԴ 63.3(2Հ) ց2

Հ 246



ՏԻԳՐԱՆ ՀԱՅԱԶՆ (Տիգրան Մնացականի Պետրոսյանց),
Հ 246 Խենթերը- Եր.: Հեղինակային հրատարակություն,
2008 .-, 48 էջ, կես մամուլ նկար: -

Մասնագիտական խորհրդատու
պատմական գիտությունների թեկնածու **Համլետ Գևորգյան:**

«**Խենթերը**» հանրագիտարանը ստեղծվել է վավերական-պատմական աղբյուրների հիման վրա, նվիրված է պատմական Նիգ-Ապարանի Արագյուղ բնակավայրում 1828 թվականին հաստատված Տեր-Պողոսյանների տոհմին ու այդ տոհմի մարդկանց 180-ամյա պատմությանը և նախատեսված է ընթերցող լայն շրջանների համար:

ԳՄԴ 63.3(2Հ) ց2

ISBN 978-9939-53-064-2

© ՏԻԳՐԱՆ ՀԱՅԱԶՆ 2008

2008 թվականի մայիսի 28-ին լրանում է
Ապարանի հերոսամարտի 90 - ամյակը:
Հավերժ փառք Այդ Հաղթանակը
կուսժ աշխարհագորայիններին
ու կանոնավոր բանակի մարտիկներին:

Գիրքը հրատարակվում է
«Տիգրան Մեծ» հրատարակչության փնօրեն,
«Նիզ-Ապարան» ՀԲՀԿ նախագահ
ՎՐԵԺ ՄԱՐԿՈՍՅԱՆԻ
հովանավորությամբ

Գրքի պատրաստմանն օգնելու համար հեղինակը
շնորհակալություն է հայտնում Տեր-Պողոսի փոհմից սերված
Գոռ Ղազարյանին

Բովանդակություն

Մուտք	5
Բաֆֆի, «Խենթը», վեպ (հատված)	7
Հեղինակի կողմից	13
Հանրագիտակ	17
Հավելվածներ	30
Օգտագործված գրականության ցանկ	46
Հեռախոսահամարներ	47

Մուտք

Ուղիղ 90 տարի առաջ՝ 1918 թվականի մայիսի 22-ին Ապարան քաղաքի հյուսիսային բարձունքներում սկսվեց Ապարանի հերոսամարտը՝ այդ կողմով Հայաստան մտած ու դեպի Երևան շարժվող թուրքերի դեմ:

Թուրքական կանոնավոր բանակի դեմ ելան, նրա առաջ-խաղացումը կանգնեցրեցին և օրուկես կովեցին Ապարանի գավառամասի գյուղերի աշխարհագրայինները: Նրանք հայկական կանոնավոր զորամիավորումների մարտիկների հետ ուսուսի մարտնչեցին նաև հերոսամարտի հաջորդ հինգ օրերին:

Աշխարհագրի գործողությունները ղեկավարում էր հերոսամարտի կազմակերպիչներից Արսեն Տեր-Պողոսյանը:

Հերոսամարտի բոլոր յոթ օրերին նա ղեկավարեց հիմնականում ապարանցիներից կազմավորված շուրջ 5000-անոց աշխարհագրի գործողությունները:

Հերոսամարտն ավարտվեց հայկական կանոնավոր բանակի մարտիկների ու ապարանյան աշխարհագրի կատարյալ հաղթանակով: Թուրքական 10000 զինվորներ ունեցող կանոնավոր զորամիավորումը, որին միացել էին տեղական թուրքերի ու քուրդ ելուզակների անկանոն ջոկատները՝ տալով ավելի քան 3000 սպանված՝ անկանոն նահանջեց Ապարանի մատույցներից:

Պաշտպանությունը և Հաղթանակը կոող հերոսը՝ Արսեն Տեր-Պողոսյանը ոչ պակաս հերոս մարդու որդի էր:

Նրա հայրը Բայազեդի հերոս Սամսոն Տեր-Պողոսյանն էր: Այն խիզախ ու անվեհեր մարտիկը, որ իջավ քրդերի կողմից պաշարված Բայազեդի բերդի պարսպից և խենթ ձևանալով՝ կտրեց-անցավ թշնամու շղթան ու գեներալ-լեյտենանտ Արզաս Տեր-Ղուկասովին հասցրեց Բայազեդի պաշարման լուրն ու ապահովեց պաշարյալների փրկության գործը:

Հենց Սամսոնի պատմությունն է դարձել մեծագույն պատմավիպասան Բաֆֆու «Խենթը» վեպի հերոս Վարդանի կերպարի իրական հիմքը:

Հայր ու որդի այս հերոսների տոհմը Արևելյան Հայաստանում հաստատվել է 180 տարի առաջ: Բնակվել է Արայի լեռան հարավային ստորոտին փռված Արագյուղ գյուղում:

180 տարին պատմության համար ակնթարթ է, իսկ տոհմի համար նվազագույնը հինգ սերնդի ապրելու ու գործելու ժամանակ: Եվ այդ 180 տարիները խենթերի այս տոհմն ապրել է պատասխանատվությամբ ու նվիրումով՝ յուրաքանչյուր սերնդի ներսում ապահովելով այդ ժամանակի հերոսի կերպարը:

Տեր-Պողոսյանների գերդաստանի պատմությունը և ուսանելի, և դաստիարակչական է, և՛ շարունակական: Տեր Պողոս - Սամսոն Առաջին - Արսեն Առաջին - Սամսոն Երկրորդ - Արսեն Երկրորդ - Սամսոն և Արսեն Երրորդներ ... Սամսոն Առաջինը եղել է ցարական բանակի գնդապետ, Արսեն Առաջինը՝ հունական բանակի գնդապետ, Արսեն Երկրորդը՝ խորհրդային բանակի փոխգնդապետ - դիվիզիայի հրամանատարի տեղակալ... Ակտիվ մասնակցություն Ապարանի հերոսամարտին, խորհրդային Հայրենական մեծ պատերազմին (պատերազմ մեկնած չորս Տեր-Պողոսյաններից երեքը զոհվել են), Արցախյան ազատամարտին... Ակտիվ մասնակցություն Խխորհրդային Հայաստանի և Խորհրդային Միության կայացման գործին (Վասակ Տեր-Պողոսյանը եղել է ՀԽՍՀ ֆինանսների նախարար, Սամսոն Արսենի Տեր-Պողոսյանը՝ շուրջ ինը հազար բանվոր ունեցող գործարանի տնօրեն, Ալբերտ Պողոսյանը՝ շուրջ երկու հազար բանվոր ունեցող գործարանի տնօրեն)...

Տեր Պողոսի տոհմը մնայուն հետք է արձանագրել Հայոց պատմության էջին: Տեր-Պողոսյանների տոհմը շարունակում է գրել իր պատմությունը:

«Խենթերը» հանրագիտարանային տեղեկատուն փաստաթղթերի օգնությամբ ամբողջացնում է այդ տոհմի պատմությունը:

Եվ երանի, որ այս հրատարակությունը հող նախապատրաստի հայասեր ու հայրենասեր, Ապարանի ճակատամարտի հերոս Արսեն Տեր-Պողոսյանի աճյունը Բուխարեստից տեղափոխելու և Հայրենի Հողում ամփոփելու գործին:

Րաֆֆի, «Խենթը», վեպ (հատված)

Ա

Բայազեդը պաշարված էր:

... Պաշարունը պատահեց 1877 թվի հունիսի 6-ին և տևեց ամբողջ 23 օր: Դա այն ժամանակն էր, երբ ռուսաց հաջողակ սրի բախտը Հայաստանում հանկարծ փոխվեցավ: Տեղային մահմեդականությունը, որ սկզբում այնքան հոժարությամբ ընդունեց ռուսաց տիրապետությունը, կրկին ապստամբեցավ և միացավ Սմայիլ փաշայի զորքերի հետ: Գեներալ Տեր-Ղուկասովը, երևանյան զորաբաժնի հրամանատարը, այդ միջոցում գտնվում էր Ջեյդեգանի և Դալի-Բաբայի մեջ և իր փոքրաթիվ զունդերով քաջությամբ պատերազմում էր Մուխթար փաշայի հինգ անգամ ավելի ուժի դեմ:

... Բայազեդի միջնաբերդը, որպես մի մռայլ կետ, անորոշ կերպով նկարված էր բլուրների բարձրավանդակի վրա: Եվ ամեն կողմից կրակը մաղվում էր այդ կետի վրա, և ամեն կողմից թնդանոթների ռումբերը և հրազենների գնդակները կարկտի նշան թափվում էին այնտեղ: Բերդը մոնչում էր, որպես մի վիթխարի գազան, որին ամեն կողմից հարվածում էին: Մոտ 1000 ռուս զինվորներ, նույն չափով հայ և թուրք կամավորների հետ, կռվում էին Սմայիլ փաշայի քսան հազարի դեմ:

... Պաշարունը այն աստիճան շուտափույթ և անակնկալ կերպով կատարվեցավ, որ բերդի մեջ բավական պաշար վեր առնելու ժամանակ չգտան: Այժմ պաշարվածները ստիպված էին պատերազմել երեք հզոր ոտխների դեմ, ներսից՝ սովի ու ծարավի դեմ, իսկ դրսից՝ թշնամու կրակի դեմ:

Ամսի 8-ից զինվորները զրկվեցան տաք կերակրից: Բերդապահի ձին և արտիլերիայի ձիաները բոլորը մորթել և կերել էին: Չիաների գարին մնաց զինվորների համար, որը նույնպես սպառվեցավ: ... Բերդի մեջ ջուր չկար: Բերդից դուրս, 300 քայլ հեռավորության վրա, գտնվում էր մի աղբյուր, որը փակել էին թուրքերը: Ամեն գիշեր փորձում էին ցած իջնել բերդից ջուր բերելու համար, բայց 20-30 զնացողներից շատ անգամ մեկն էլ չէր վերադառնում:

... ամրոցի սենյակներից մեկի մեջ, ուր մի ժամանակ կենում էր օսմանցի բերդապահը, այժմ ռուս բերդապահը, Շտոկվիչը, մի քանի օֆիցերների հետ կազմել էին խորհուրդ: Խորհրդին մասնակցում էին հայ և թուրք միլիցիայի զլխավորները: ... Խորհուրդը վճռեց նամակ գրել Տեր-Ղուկասովին, և քառորդ ժամից հետո բերդապահը, պատրաստ նամակը ձեռին, մյուսների հետ դուրս եկան խորհրդարանից:

Թմբուկի թեթև ծայնը հավաքեց զինվորներին բերդի հրապա-

րակի վրա: Բերդապահը բարձր ծայնով խոսեց.

- Տղերք, ձեզ հայտնի է մեր դրությունը, այդ մասին խոսելը ավելորդ է: Այժմ մեր հույսը մնացել է Աստծո վրա և նրա հաջողությանը դրսից գալու օգնության վրա: ... Հիմա ո՞վ կլինի ձեզանից այն քաջը, որ հանձն կառնե կատարել այդ մեծ ծառայությունը, թող մոտենա և ընդունե նամակը: Ես խոստանում եմ, որ նա կստանա մի այնպիսի պարգև, որը վայել է մի անձնագրի տղամարդի, որ այսքան բազմության ազատության պատճառ է լինելու: Տիրեց ընդհանուր լռություն, և բազմության միջից ոչ մի ծայն լսելի չեղավ:

- Կրկնում եմ,- շարունակեց բերդապահը ավելի զգալի ծայնով,- որ այս նամակի հետ կապված է մեր ամենի փոկությունը. ո՞վ է ցանկանում վայելել այդ փառքը և մեր բոլորի ազատիչը լինել:

Դարձյալ ոչ մի ծայն լսելի չեղավ:

- Միթե ձեր մեջ չկա՞ սիրտ ունեցող մի տղամարդ,- գոչեց նա դողդոջուն ծայնով,- ո՞վ է հանձն առնում տանել նամակը:

- Ես,- լսելի եղավ բազմության միջից մի ծայն, և մի հայ երիտասարդ մոտեցավ, ընդունեց նամակը:

Այս երիտասարդը Վարդանն էր:*

(* Երիտասարդի անունը Սամփսոն էր, բայց ես իմ վեպի հերոսից ստեղծեցի մի առանձին տիպ. դրանով թեև փոքր-ինչ շեղվեցա պատմական ճշտությունից, բայց թող ներվի ինձ, եթե ես իսկությունը մասնավորապես զոհել եմ բանաստեղծական ազատությանը: **Րաֆֆի**):

Բ

...Պաշարունը հետզհետե սաստկանում էր: Սար, ծոր, բլուր, դաշտ և տափարակ պատած էր բաշխողուկների բազմաթիվ, միևնույն ժամանակ խառնափնթոր, հրոսակներով: Բանակները գետեղված էին առանձին խումբերով, և յուրաքանչյուր խումբի մեջ տեսնվում էր շարժում, իրարանցում և աղմուկ: Կրոնական մոլեռանդությունը, խառնված զինվորական անզթության հետ, անցնում էր բարբարոսության ամեն չափից և սահմանից: Մարդը, զազան դարձած, կեղեքում էր, մահացնում էր իր նմաններին:

... Բայց մի տեղ ամբողջ բանակի ուշադրությունը գրավել էր մի մարդ: Նա երբեմն թռչկոտելով, երբեմն ծափ տալով, անցնում էր բանակի միջից և միևնույն ժամանակ եղանակում էր մի այսպիսի հիմար քրդերեն երգ.

Պառավ տատը գորտ դարձավ,
Գորտ դարձավ, ծովը մտավ,
Ծովից ավագ դուրս հանեց,
Ավագը ոսկի դարձավ.

Ոսկին տվեց մի այծ առեց,
Կաղիկ, քոսոտ այծ առեց:
- Այծիկ, այծիկ, ջան այծիկ,
Ասա, ի՞նչու դու եղար
Այսպես քոսոտ ու կաղիկ...

Խե~նթը ... ձայն էին տալիս ամեն կողմից քրդերը և, հավաքվելով նրա շուրջը, ստիպում էին կրկնել իր երգը:

Եվ իրավ, այդ մարդը խենթ էր, կամ գոնե այսպես ձևացնում էր իրան: Նա հազնված էր այն կերպով, որպես հազնվում են մեզ մոտ լարախաղացների օգնականները, որոնց կոչում են «տակի մասխարա», և որոնք լարի ներքևում զանազան տեսակ խեղկատակություններով ծիծաղեցնում են հանդիսականներին: Նույնն անում էր և այդ խենթը: Նա մի բարձրահասակ երիտասարդ էր՝ վայրենի դեմքով, գլխին դրած ուներ հին թաղիքի կտորից անշնորհք կերպով կարած մի երկայն գդակ, որ վերջանում էր քառանկյունի ձևով, և յուրաքանչյուր անկյունից քարշ էին ընկած միմի փոքրիկ զանգակներ, որոնք նրա ամեն մի շարժումներից զնգզնգում էին և աններդաշնակ ձայներ էին հանում: Երեսը մրոտած էր կոշկաներկով, որի վրա զանազան ուղղությամբ քաշված էին զանազան գույներով գծեր՝ կարմիր, դեղին, կապույտ և այլն: Բացի գդակից, ամբողջ հագուստը մի կտորից էր բաղկացած. դա գինվորի քրքրված մի վերարկու էր, որի մեջ փաթաթված էր նա բոլորովին մերկ մարմնով: Մեջքը պնդած էր մի թոկի կտորով, որ գոտիի տեղ էր ծառայում: Ոտքերը բոբիկ էին, ոտնամաններ չուներ:

- Ապա էշի նման մեկ զռա,- ասում էին նրան:

... -Դու, երևի, արջի նման պարել ևս գիտես,- ասում էին նրան,- ապա տեսնենք քո հունարը:

Խենթը սկսում էր զանազան անճոռնի շարժումներ անել, չորս թաթիկների վրա սողալ, ոտները բարձրացնել, ձեռքերի վրա կանգնել և ուրիշ տեսակ-տեսակ հիմարություններ անել:

Մի ամբողջ օր խենթը մնաց քրդերի բանակի մեջ. զվարճացնում էր բոլորին, խոսում էր քրդերեն որպես քուրդ, հայիտյուն էր, անհիծում էր ոռուսներին, գոռում և գոչում էր, թե բոլոր «զավուրներին» պետք է կոտորել: Մինչև կեսգիշեր նրա ձայնը ամեն կողմից լսելի էր լինում: Բայց մյուս առավոտյան խենթին բանակի մեջ ոչ ոք չտեսավ:

Գ

... Բայագեղից դեպի Ալաշկերտի կողմերը տամող ճանապարհով միայնակ գնում էր մի մարդ: ... Ուղևորը մի երիտասարդ էր, համարյա միևնույն կերպարանքով, որպես հազնված էր նախընթաց գիշերում խենթը:

7

... մի ձիավոր, քրդի ձևով հագնված, ծտի նման սլանալով մտավ Տեր-Ղուկասովի բանակը: Նա հայտնեց, թե գեներալի անունով շատ կարևոր նամակ ունի բերած: Նրան տարան դեպի գեներալի վրանը: Մի օֆիցերի ձեռքով նամակը ներս ուղարկեց նա, իսկ ինքը վրանի դրսումը սպասում էր, հոգ տանելով իր ձիուն, որ շատ քրտնած էր: Մի քանի րոպեից նրան ներս կանչեցին:

Վրանի մեջ նստած էր միջահասակ մի զինվորական, լիքը կազմվածքով և առյուծի խրոխտ դեմքով: Դա ինքը՝ Տեր-Ղուկասովն էր: ...Նա դարձավ դեպի նամակաբերը, հարցնելով.

- Դու հա՞յ ես:

- Բացի հայ լինելս, տերտերի տղա եմ,- պատասխանեց երիտասարդը:

- Բերդում հաց կա՞ր:

- Մի քանի օրից հետո կսկսեն մեկմեկու միս ուտել, եթե չէին ցանկանա քաղցած մեռնել:

- Ջուրը ինչպե՞ս է:

- Չկա: Պետք է դրսից բերել տալ. ցերեկով դուրս գալու հնար չկա:

- Հրագեմների պաշարը ի՞նչպես է, վառող, գնդակ ունե՞ն:

- Սպառվել էր: Բայց մի հայ, էլի մեր հայերի երեսը թող սպիտակ լինի, գտավ բերդի մեջ թուրքերից թաքցրած բավական զենքեր, վառող և գնդակ, հիմա նրանցով յուր եմ գնում:

- Դու ի՞նչպես կարողացար դուրս գալ բերդից:

- Առավոտյան, դեռ արևը չծագած, պարսպից ցած իջա և ուղիղ մտա քրդերի բանակի մեջ: Մի ամբողջ օր նրանց ծիծաղացրի, ուրախացրի, երգեցի, պար եկա և հազար տեսակ օյիններ հանեցի, և այսպես ամեն տեղ մտա, ամեն բան իմացա, հետո, մնաք բարով ասելով, հեռացա:

Եվ նա սկսեց նկարագրել իր հազուստը և այն բոլոր ծաղրական ձևերը, որով հայտնվեցավ քրդերի բանակի մեջ:

Գեներալի սառն դեմքի վրա անցավ մի թեթև ժպիտ, և նա ընկերաբար հարցրեց.

- Իսկ այդ հազուստը դու ո՞րտեղից գտար:

- Աստված հասցրուց: Ճանապարհին մի քուրդ գտա, այդ հազուստը, այդ զենքերը և այն սիրուն ձիւն, որ դրսումը կանգնած է, նրանից խլեցի,- պատասխանեց երիտասարդը, իր սովորական եղանակով պատմելով, թե ինչ հնարքով կարողացավ սպանել քրդին:

- Դու քաջ տղա ես երևում,- ասաց գեներալը և, կրկին ընդունելով իր առաջվա մտախոհ կերպարանքը, շարունակեց հարցուփորձը:

- Շա՞տ եմ քրդերը:

- Ասում են, քսան հազարից ավելի են, բայց բոլորը քրդեր չեն, նրանց մեջ խառն են ամեն տեսակ մահմեդական ցեղեր, ով որ մի քանի կտոր զենք է ունեցել և մի ձի, վագ է տվել դեպի Բայազեդ, և այսպես կազմվել է մի ահազին բազմություն: Ես ճանապարհին տեսնում էի, թե ինչպես դիմում են այնտեղ միշտ նոր և նոր խումբեր:

- Թնդանոթներ ունե՞ն:

- Ունեն:

- Ի՞նչ դիտավորություն ունեն:

- Շտապում են Բայազեդի բերդը առնել, հետո անցնել Երևան և մի շաբաթից հետո Թիֆլիսում լինել, որովհետև սիրուն վրացուհիները և հայոց աղջիկ-պարոնները սաստիկ հետաքրքրում են նրանց:

Գեներալի դեմքի վրա դարձյալ երևաց ժպիտի նման մի բան, և նա արհամարհական կերպով հարցրեց.

- Քսան հազարո՞վ պիտի Թիֆլիս գնան: Այդ լինել չէ կարող...

- Քսան հազարը քիչ չէ, տեր, երբ առջևում հազար հատ սալդաթ չկա. բացի դրանից, շուտով կմիանան նրանց հետ Սմայիլ փաշայի բոլոր զորքերը: Իսկ մեր կողմերի մահմեդականները, զրկները բացած, անհամբերությամբ սպասում են իրանց կրոնակից հյուրերին:

- Բայազեդի քաղաքը մտա՞ր:

- Մտա: Հայ-քրիստոնյայի մի շունչ անգամ չէ մնացել, ծերերին, պառավներին և երեխաներին կոտորեցին, լավ-լավ քահել կնիկներին, աղջիկներին և պատանհիներին գերի տարան, տները այրեցին, և ինչ որ ունեին՝ կողոպտեցին: Մի հարյուրի չափ ընտանիք միայն, որոնք առաջուց գիտեին, թե ինչ վտանգ է սպառնում Բայազեդին, դեռ քրդերը չեկած, փախան գնացին սահմանակից պարսից Մակու քաղաքը: Բայց դրանք էլ միայն իրանց զլուխը կարողացան ազատել, կայքերը թողեցին թշնամու ձեռքը: Ախ, այդ մահմեդականները որքան անգութ, որքան անազնիվ կերպով վարվեցան հայերի հետ...

... Գեներալը լուռ լսում էր: Երիտասարդը շարունակեց.

- Ախ, եթե գիտենայիք, թե որքան լավ տղամարդիկ փչացան այն կռվի մեջ, որ մենք ունեցանք քրդերի հետ նախքան Բայազեդը նրանց ձեռքը տալը: Որպես ձեզ հայտնի է, տեր, բերդի պահպանության համար թողած էին խիստ փոքր թվով ռուս զինվորներ, հայ և թուրք միլիցիայի հետ: Շտոկվիչը, Բայազեդի այդ հերոսը, ռուս զինվորներով պահպանում էր բերդը, իսկ միլիցիան պահպանում էր քաղաքը: Մեզ վաղուց լուրեր էին հասնում, թե ահազին բազմություն քուրդերի, շեյխ Ջալալեդդինի և շեյխ Իբրադուլլահի զխավորությամբ դիմում են դեպի Բայազեդ: Այդ լուրերը հաղորդում էին մեզ վանեցի հայերը: Մենք շտապեցինք, պա-

հանգեցնով, որ վաղօրոք բերող ամրացնեին, և մեզ մոտ պատրաստվեին բավականաչափ ուժեր թշնամու առաջն առնելու համար: Բայց գտնվեցան այնպիսիները, որ աշխատում էին հավատացնել, թե այդ բոլոր լուրերը սուտ են, թե ոչինչ պատրաստություն պետք չէ: Թե ի՞նչ նպատակով այդ դավաճանները աշխատում էին մեզ անպատրաստ վիճակի մեջ պահել թշնամուն հանդիպելու ժամանակ, այդ ես չեմ կարող ասել, դուք, իհարկե, վերջը կտեղեկանաք, գեներալ, միայն այսքանը կասեմ, որ հայր եղել է միշտ հավատարիմ և կլինի:

Որպես երևում էր, երիտասարդի պատմության մեջ կային այնպիսի կետեր, որ նա դժվարանում էր պարզապես արտահայտել: Գեներալը ընդմիջեց նրա խոսքը. ասելով.

- Դու այն պատմիր, թե ինչ արեցիք քրդերի զալուց հետո:

... Երիտասարդը, զսպելով իր շատախոսությունը, որ առաջ էր գալիս նրա սրտի վրա ծանրացած, տխուր անցքերի տպավորություններից, շարունակեց.

- Գուցե մեզ կհաջողվեր, տեղային բոլոր հայերի հետ միանալով, ազատել քաղաքը, եթե առաջուց կտային նրանց բավականաչափ զենքեր: Բայց զենքեր չստացան նրանք: Այնուամենայնիվ շատերը միացան մեզ հետ: Կռիվը սկզբում, ճշմարիտ ասած, փառավոր էր: Մի փոքրիկ խումբ պատերազմում էր թվով անհամեմատ ուժի դեմ: Մեզ հետ մասնակցում էին կռվում և մի քանի հարյուր թուրք կամավորներ: Բայց հանկարծ տեսանք, որ մեր մահմեդական ընկերները թողեցին կռվի դաշտը և սկսեցին փախչել: Կարծես նրանց շատ ախորժելի չէր զնդակներ արձակել իրանց կրոնակիցների դեմ... Մենք, հայերս, մնացինք մենակ և երկար համառությամբ պաշտպանվում էինք: Այդ տևեց մի քանի ժամ, մինչև մեր հրազենների պաշարը սպառվեցավ: Այն ժամանակ սկսվեցավ ձեռնամերձ կռիվը: Շատերը ընկան, շատերը գերի բռնվեցան, և մնացածները, տեսնելով, որ ամեն քանքեր իզուր են, թողեցին և փախան: Այն ժամանակ թշնամին տիրեց քաղաքին:

- Դասկանալի է...,- ասաց ինքն իրան գեներալը և վեր կենալով մոտեցավ մի փոքրիկ արկղիկի և, նրա միջից դուրս բերելով մի խաչ, իր ձեռքով կախեց երիտասարդի կուրծքի վրա, ասելով.

- Դու արժանի ես դրան, ես կառաջարկեմ իշխանությանը, բացի դրանից, քեզ համար աստիճան և ռոճիկ: Դու այսուհետ կմնաս ինձ մոտ, քեզ նման քաջերը պետք են ինձ:

Րաֆֆի, Երկերի ժողովածու,
հատոր չորրորդ, Ե., 1984, էջ 149-169:

Հեղինակի կողմից

Րաֆֆու «Խենթը» վեպի այս ամբողջ գլուխը փոքրիկ հապավումներով մեջ ենք բերում, քանի որ վեպի այս հատվածի հերոս Վարդանի կերպավորող-նախատիպը բացարձակ իրական անձնավորություն է և ծնվել է պատմական Նիզ-Ապարանի Արագյուղ բնակավայրում ու անունն էլ եղել է Սամսոն Տեր-Պողոսյան:

Տեր-Պողոսյանների (Պետրոսյանների) տոհմը էջմիածնի գավառի Ապարանի գավառամասի Արագյուղ բնակավայրում հաստատվել է 1828 թվականի ուշ աշնանը: Տոհմը սերում է Բայազեղի շրջանի Արծափ գյուղից*: Այդ գերդաստանից Տեր Յովհաննեսի որդիներ Պետրոսը (Պետրոսյաններ) և Տեր-Պողոսը (Տեր-Պողոսյաններ, Պողոսյաններ) հաստատվել են Ապարանի գավառամասի Արագյուղ գյուղում**, մյուս՝ Իսպիրյանների, Սարգսյանների ճյուղերը՝ Մարտունու շրջանի Լիճք գյուղում:

**) Արծափ բերդավանը (գյուղը) գտնվել է Մեծ Հայքի Այրարատ աշխարհի Կոզովիտ գավառում, Գարոյնքից հյուսիս-արևմուտք, Արծափաքար լեռան ստորոտին, Արծափ գետակի ափին, Իզդիրից Հին Բայազեղ տանող ճանապարհի աջ կողմում, լեռնանցքի մոտ: Արծափը շրջապատված է եղել պարիսպներով: Պարսպի ներսում են եղել Սուրբ Գրիգոր ավերակ վանքը և Ծաղկավանքը (կանգուն է եղել մինչև 1910-ական թվականները): Առաջին անգամ հիշատակվում է 6-րդ դարի վերջին կամ 7-րդ դարի սկզբին Հայոց կաթողիկոս Աբրահամ Ա Աղբաթանեցու օրոք, Դվինում հրավիրված ժողովի առիթով: Պատմիչ Սեբեոսի վկայությամբ 643 թվականին Արծափի մոտ Հայոց իշխան Թեոդորոս Ռշտունին հայկական փոքրաթիվ զորաջոկատով ոչնչացրել է բերդը գրաված արաբական 3000-անոց բանակին: Դրանից ութ հարյուր տարի անց Արծափը դարձյալ հիշվել է որպես ամուր բերդ (բերդավան): 19-րդ դարի վերջերին մտել է Էրզրումի նահանգի Բայազեղի գավառի վարչական տարածքի մեջ: Ունեցել է բերրի հողեր, առատ ջուր և արևոտ լեռնալանջեր: Գյուղում գործել է վարժարան: 1829 թվականին շատ արծափցիներ հաստատվել են Արևելյան Հայաստանի Ապարանի գավառամասի Արագյուղ, Սևանի ավազանի Ծովագյուղ, Մեղրածոր, Լիճք գյուղերում: 1877 թվականին Արծափի բերդը գրավել է գեներալ-լեյտենանտ Արզաս Տեր-Ղուկասովը: 1909 թվականին Արծափն ունեցել է 120 տուն հայ բնակիչ: Նրանք զբաղվել են հողագործությամբ, այգեգործությամբ, անասնապահությամբ, արհեստով՝ բրուսագործությամբ: 1914 թվականին գյուղից հեռացել են հայերի վերջին 100 ընտանիքները):*

****)** Արագյուղ բնակավայրը պատմականորեն եղել է Նիգ-Ապարանի գավառի, 1829-1930 թվականներին՝ Էջմիածնի գավառի Ապարանի գավառամասի կազմում, 1930 թվականից՝ Աշտարակի, 1978 թվականից՝ Նաիրիի շրջանների կազմում: Գյուղը գտնվում է Արալի լեռան հարավարևելյան ստորոտին, սևահողային սարահարթի վրա: Ունի առողջարար, մաքուր օդ, սառնորակ ջուր: Գյուղը գտնվում է խնձորենու, տանձենու, սալորենու, ընկուզենու այգիների մեջ: Գյուղի ներկայիս բնակիչների նախնիները եկել են Բայազետի շրջանի Արծալի գյուղից, Կարսից, Իգդիրից: 1831 թվականին գյուղում բնակվել է 162, 1886 թվականին՝ 699, 1914 թվականին՝ 1005, 1922 թվականին՝ 847, 1959 թվականին՝ 811, 1970 թվականին՝ 724, 1979 թվականին՝ 733 հայ բնակիչ: Գյուղում առաջին դպրոցը 1890 թվականին հիմնել է Սամսոն Տեր-Պողոսյանը: Այժմ գյուղում գործում է մեկ ութամյա, մեկ միջնակարգ դպրոց, բուժկետ, այրադաշտ: Գյուղը հին բնակավայր է: Գյուղում կան երեք եկեղեցիներ՝ Թուխ Մանուկ, Մարիամ Աստվածածին և Անանու: Եկեղեցիներից երկուսը 5-6-րդ դարերի եռանավ բազիլիկներ են, բազմիցս քանդվել ու վերաշինվել են: 1840-ական թվականներին գյուղի եկեղեցին կոչվել է Սուրբ Աստվածածին: Գյուղից հյուսիս, ձորալանջին պահպանվել են երեք այլ բնակավայրերի ավերակները):

1851 թվականին Արագյուղում է ծնվել Սամսոն Տեր-Պողոսյանը, որ դարձել է Րաֆֆու «Խենթը» վեպի հերոս Վարդանի նախատիպը:

Նրա որդիներից և տոհմի նշանավոր ներկայացուցիչներից է Արսեն Տեր-Պողոսյանը: Նա դարձել է Ապարանի հերոսամարտի կազմակերպիչներից մեկը: Սամսոնի մյուս որդին՝ Վասակը եղել է ՀԽՍՀ ֆինանսների ժողովրդական կոմիսար:

Արսեն Տեր-Պողոսյանի եղբայրներից Հունբերտը ավարտել է մանկավարժական ինստիտուտը, աշխատել ուսուցիչ: Մասնակցել է խորհրդային Հայրենական մեծ պատերազմին: Մահացել է 1943 թվականին:

Մյուս եղբայրը՝ Պավելը, և քույրը՝ Խենթուշը, ժառանգ չեն ունեցել:

Արսեն Տեր-Պողոսյանի որդի Սամսոնը ստացել է ճարտարագիտական կրթություն, Տամբով քաղաքում եղել է գործարանի գլխավոր ճարտարագետ, ապա՝ տնօրեն:

1974 թվականին Արագյուղ գյուղի գերեզմանոցի սկզբնամասում տեղադրվել է «Խենթի»՝ Սամսոն Տեր Պողոսի Տեր-Պողոսյանի կիսանդրին:

Րաֆֆու «խենթը» վեպի «Բայազեդը պաշարված էր» գլխից հետո ներկայացված մասի Վարդան անունով հերոսն արդեն ոչ մի կապ չունի Սամսոն Տեր-Պողոսյանի հետ և մեծ գրողի գեղարվեստական մտածողության արդյունքն է։

Սամսոն Տեր-Պողոսյանը 1877 թվականի հունիսի 6-ից եղել է Բայազեդի բերդում, մասնակցել է բերդի պաշտպանության համար մղված մարտերին և, երբ վիճակը դարձել է օրհասական, ու անհրաժեշտ է եղել նամակ-խնդրագիր հասցնել ռուսական Կովկասյան զորաբանակի Երևանյան ջոկատի հրամանատար, գեներալ-լեյտենանտ Արզաս Տեր-Ղուկասովին, ստանձնել է այդ անհնարին պարտականությունը և առասպելական հնարամտությամբ, խենթի դեր խաղալով, կարողացել է անցնել քրդերի ու թուրքերի զորաբանակի շղթայի միջով և օգնության խնդրագիրը հասցնել գեներալին փրկելով Բայազեդում ներփակված զինվորներին ու մարդկանց վերահաս ոչնչացումից։

Մեծ պատմավիպասանը 1877-1878 թվականների ռուս-թուրքական պատերազմի և հայերի նոր գաղթականության մասին նյութ է փնտրել և պատրաստվել է վիպական գործ ստեղծել այդ թեմայով։ 1877 թվականի սեպտեմբերի սկզբներին Թիֆլիսից Երևան ճանապարհվելիս Դիլիջանի անտառում հանդիպել է Բայազեդի պաշտպանությանը մասնակցած վիրավոր զինվորների, որոնցից մեկը պատմել է, որ իրենք փրկվել են մի **ապարանցի** զինվորի հնարամտության շնորհիվ, որ լավ քրդերեն է իմացել և քուրդ ու խենթ ձևանալով ճեղքել է քրդերի շղթան ու լուր հասցրել գեներալ Տեր-Ղուկասովին։ *Դեպքն այնքան զգայացունց է եղել, որ ապագա վեպի մտորումների մեջ այդ դրվագը և Սամսոն Տեր-Պողոսյանի կերպարը ամենայն մանրամասնությամբ դարձել է գլխավոր թեմա։* Րաֆֆին ցանկացել է անձամբ հանդիպել Սամսոն Տեր-Պողոսյանի հետ։ Նրանց հանդիպումը տեղի է ունեցել Վաղարշապատում 1878 թվականի հունիսի սկզբներին։ Սամսոն Տեր-Պողոսյանը այդ հանդիպման մասին պատմել է. «Ես ինչ-որ հանձնարարականով էջմիածին էի եկել, երբ կապույտ ակնոցներով, մեծ սև բեղերով մի ինչ-որ մարդ առաջս կտրեց, ծանոթացավ, անվանելով իրեն Մելիք-Հակոբյան, և ասելով, որ ինձ հետ կարևոր խոսակցություն ունի, տարավ միաբաններից մեկի խուցը և ահա այստեղ սկսեց ինձ հարցուփորձի ենթարկել իմ մի տարի առաջ Բայազեդում և գեներալ Տեր-Ղուկասովի բանակում արածների մասին։ Ես ամեն կերպ աշխատում էի

կարճ կապել, բայց այս մարդը յախիցս բռնել, պոկ չէր գալիս, հարցեր էր, որ տալիս էր և ասածներս գրում իր ծոցատետրում: Այդ պահին ներս եկավ բժիշկ Բագրատ Նավասարդյանը, որ գաղթականներին բուժող ու խնամող վանքի բժիշկն էր, և կամացուկ ասաց ականջիս՝ սա մեր հայտնի գրող Բաֆֆին է. մանրամասն պատմիր, նա, կարծես, ինչ-որ բան է ուզում գրել այդ պատերազմի մասին: Եվ ես սկսեցի պատմել ու պատասխանել նրա տված հարցերին, որից հետո դուրս եկա ու գնացի իմ գործին» (Բաֆֆի, **Երկերի ժողովածու**, հատոր չորրորդ, Ե., 1984, էջ 445-446, նաև տես Գրականության և արվեստի թանգարան, չմշակված նյութեր, Ն.Աթալենայանի ֆոնդ):

Փաստորեն այս հանդիպումից հետո վաղօրոք հղացած վեպը ստացել է անուն «Խենթը» և Սամսոն Տեր-Պողոսյանը գրական Վարդան անունով դարձել է վերը նկարագրված «Բայազեղը պաշարված էր» դրվագի գլխավոր հերոսը:

Այս դրվագն իր «Բայազեղ» վեպում նկարագրում է նաև ռուս գրող Պիկուլը:

Այս Սամսոն Տեր-Պողոսյանի որդին՝ Արսեն Տեր-Պողոսյանը 1918 թվականի մայիսի 22-29-ին դարձել է Արագած սարի ստորոտում, Ապարանի մոտ թուրքական կանոնավոր զորաբանակի դեմ ծավալված հերոսամարտի կազմակերպիչներից մեկը և աշխարհագորի հրամանատարը:

Տեր-Պողոսյան գերդաստանի այս երկու մեծ ներկայացուցիչներից բացի այդ ընտանիքում ծնվել ու մեծացել են նաև այլ Տեր-Պողոսյաններ, որոնք հետք են թողել Արագյուղի, Ապարանի շրջանի, ինչու չէ նաև Հայաստանի պատմության մեջ:

Տեր-Պողոսյանների տոհմին նվիրված այս գրքին էլ Սամսոն Տեր-Պողոսյանի գրական մարմնավորման՝ «Խենթի» անունով տվել ենք «Խենթերը» վերնագիրը:

Գրքում ներկայացվում են Տեր-Պողոսյան (Պողոսյան) տոհմի հայտնի անդամների կենսագրությունները, առաջին անգամ հրատարակվում են ռուսների կողմից անցկացված մարդահամարների Տեր-Պողոսյաններին վերաբերող ցուցակները, թո՛ւ Սամսոն Արսենի Տեր-Պողոսյանի նամակները, տոհմի ներկայացուցիչների լուսանկարները, «Խենթը» վեպի հրատարակությունների մատենագիտությունը:

Հանրագիտակ

ԳՐԻԳՈՐՅԱՆ ԱՎԵՏԻՔ ՆԻԿՈԼԻ, Ապարանի հերոսամարտի մասնակից:

Ծնվել է Ապարանի գավառամասի Արագյոտ գյուղում: *Սերում է Տեր-Պողոս քահանայի Գրիգոր որդու զերդաստանից:*

1917-1920 թվականներին եղել է Արսեն Տեր-Պողոսյանի թիկնապահ ջոկատում: Մասնակցել է Արսենի մասնակցությամբ բոլոր մարտական գործողություններին: Զաջարար է կռվել Ապարանի հերոսամարտի օրերին: Հրամանատարության կողմից արժանացել է խաչի:



Պողոսյան
Ալբերտ Վանուշի

ՊՈՂՈՍՅԱՆ ԱԼԲԵՐՏ ՎԱՆՈՒՇԻ, տնտեսական աշխատող, տնօրեն, Ապարանի շրջանի Եղիպատրուշ գյուղի պատվավոր գյուղացի (1990 թ.):

Ծնվել է 1937 թվականին, Նաիրիի շրջանի Արագյոտ գյուղում: *Սերում է Տեր-Պողոս քահանայի Հովհաննես որդու զերդաստանից (Վաղարշակի Վանուշ որդու տղան է):*


1954 թվականին ավարտել է Արա գյուղի միջնակարգ դպրոցը, 1960 թվականին՝ Երևանի հաստոցաշինական տեխնիկումը, 1970 թվականին՝ Երևանի պետական ճարտարագիտական ինստիտուտը:

1956-1959 թվականներին ծառայել է խորհրդային բանակում:

1955-1956 և 1959-1972 թվականներին եղել է Երևանի հաստոցաշինական գործարանի փականագործի աշակերտ, փականագործ, արտադրամասի պետ, 1972-1976 թվականներին՝ Երևանի «Նյխտիմ» գործարանի գլխավոր մեխանիկ, 1976-1977 թվականներին՝ «Էրեբունի» միավորման Էջմիածնի գործարանի գլխավոր մեխանիկ, 1977-1986 թվականներին՝ Էջմիածնի գործարանի տնօրենի ընդհանուր գծով տեղակալ և միավորման գլխավոր տնօրենի տեղակալ, 1983-1993 թվականներին՝ «Էրեբունի» միավորման Ապարա-



Պողոսյան
Վանուշ Ալբերտի



նի «Նիզ» գործարանի տնօրեն, 1993-1999 թվականներին՝ ՀՀ արդյունաբերության նախարարության բազայի տնօրեն:

1999 թվականին նշանակվել է Երևանի «Գառն-Լեռ» միավորման գլխավոր ճարտարագետի տեղակալ:

1983-1990 թվականներին եղել է Այսրանի շրջխորհրդի պատգամավոր:

1990-1992 թվականներին մասնակցություն է ունեցել Արցախի ժողովրդի օգնության գործին: 1992 թվականին անձամբ Գյումրիի օդանավակայանից երեք ինքնաթիռ սննդամթերք է հասցրել շրջափակված Ստեփանակերտ:

Որդին՝ **Վահուշը** (ծնվել է 1967 թ-ի նոյեմբերի 7-ին) 1990 թվականին ավարտել է Երևանի պետական ճարտարագիտական ինստիտուտի մեխֆակը: 1990 թ-ից աշխատում է «Էրեբունի» միավորման գլխամասային վարչապարատի բաժնի պետ:

Դուստրը **Գայանեն** (ծնվել է 1964 թ-ին) ավարտել է Երևանի պետական ճարտարագիտական ինստիտուտի էլեկտրո ֆակուլտետը: 1976 թվականին նշանակվել է «Էրեբունի» միավորման գլխամասային վարչապարատի ճարտարագետ:

Դուստրը **Արմինեն** (ծնվել է 1976 թ-ին) 1998 թվականին ավարտել է Երևանի պետական համալսարանի իրավաբանական ֆակուլտետը: 2005 թվականին ծառայության է անցել ՀՀ պաշտպանության նախարարության ռազմական ակադեմիայում: Ստացել է ենթասպայի կոչում:

ՊՈՂՈՍՅԱՆ ՀՈՒՄԵՐԹ ԱՐՄԵՆԻ, մանկավարժ, խորհրդային Հայրենական մեծ պատերազմի մասնակից:

Ծնվել է 1901 թվականին, Երևան քաղաքում, Էջմիածնի գավառի Այսրանի գավառամասի Արագյուղ գյուղի վերաբնակչի ընտանիքում (Խենթի՝ Սամսոն Տեր-Պողոսյանի երկրորդ կնոջ՝ Սրբուհու որդին է, Արսեն և Վասակ Տեր-Պողոսյանների եղբայրը):

1937 թվականին ավարտել է Երևանի Խաչատուր Աբովյանի անվան մանկավարժական ինստիտուտը:

1937-1940 թվականներին եղել է Աբովյանի շրջանի Ողջաբերդ, 1941-1942 թվականներին՝ նույն շրջանի Գեղադիր և Չորադրյուր գյուղերի դպրոցների ուսուցիչ:

1942-1943 թվականներին ծառայել է խորհրդային բանակում: Մասնակցել է խորհրդային Հայրենական մեծ պատերազմին: 1943 թվականի սկզբին հիվանդության պատճառով փոխադրվել է Երևան քաղաքի հոսպիտալը: Մահացել է 1943 թվականի մարտի 17-ին և թաղվել Թոխմախի խորհրդային զինվորների եղբայրական գերեզմանոցում:

ՊՐԱՆՍՅԱՆ ՅՈՒՐԱ ՄՅԱՄԻԿԻ, գործարար:

Ծնվել է 1954 թվականին, Երևան քաղաքում, *Տեր-Պողոսյանների տոհմում:*

1988 թվականին ավարտել է Երևանի պետական ճարտարագիտական ինստիտուտի մեխաֆակը:

Եղել է ՀԽՍՀ պետական մատակարարման վարչության բաժնի պետ:

1997 թվականին հաստատվել է ԱՄՆ-ում:



Պողոսյան
Հումբերթ Արսենի

ՊՐԱՆՍՅԱՆ ՈԱՖԱՅԵԼ ՀՈՒՄԵՐԹԻ, ճարտարագետ-մեխանիկ:

Ծնվել է 1943 թվականի փետրվարի 16-ին, Աբովյանի շրջանի Ողջաբերդ գյուղում, Հումբերթ Տեր-Պողոսյանի ընտանիքում: 1945 թվականին մոր հետ հաստատվել է Էջմիածին քաղաքում:

1959 թվականին ավարտել է Էջմիածնի Հովհաննես Հովհաննիսյանի անվան միջնակարգ դպրոցը, 1965 թվականին՝ Երևանի ավտոճանապարհային տեխնիկումը, 1978 թվականին՝ Երևանի պետական ճարտարագիտական ինստիտուտի մեխանիկական ֆակուլտետի երեկոյան բաժինը:

1965-1968 թվականներին ծառայել է խորհրդային բանակում:

1968-1970 թվականներին եղել է Էջմիածնի պլաստմասսաների գործարանի արտադրամասի վարպետ: 1970 թվականին աշխատանքի է անցել Էջմիածնի «Ռաստր գործարան» բաց բաժնետիրական ընկերությունում (նախկինում Ռաստր գործարան): Եղել է վարպետ, ավագ ճարտարագետ, կոնստրուկտոր, ներկայումս՝ գլխավոր մեխանիկի և էներգետիկի բաժնի պետ:

Բազմիցս արժանացել է սոցմրցման հաղթողի կոթքանշանի:

Դուստրը՝ **Հեղինեն** (ծնվել է 1971 թվականին) ավարտել է Երևանի պետական համալսարանի բանասիրական ֆակուլտետը և աշխատում է Էջմիածնի թիվ 3 միջնակարգ դպրոցում:



Պողոսյան
Ռաֆայել Հումբերթի



Պողոսյան
Տիգրան Վաղինակի

ՊՈՂՈՍՅԱՆ ՄԱՄՎԵԼ ՎՐՈՒՅՐԻ, ֆուտբոլիստ, սպորտի վարպետ:
Ծնվել է 1959 թվականի դեկտեմբերի 13-ին, Երևան քաղաքում, *Տեր-Պողոսյանների տոհմում*:

Ավարտել է Հայկական պետական ֆիզիկական կուլտուրայի ինստիտուտի մանկավարժական բաժինը:

1977-1986 թվականներին խաղացել է Երևանի «Արարատ» ֆուտբոլային թիմում:

1990 թվականին նշանակվել է «Բանանց» ֆուտբոլային ակումբի սպատանեկան հավաքակազմի մարզիչ:

ՊՈՂՈՍՅԱՆ ՄԵՐԳԵՅ ՎԱԶԳԵՆԻ, գլխավոր մեխանիկ:

Ծնվել է 1955 թվականին, Երևան քաղաքում, *Տեր-Պողոսյանների տոհմում*:

1988 թվականին ավարտել է Երևանի պետական ճարտարագիտական ինստիտուտի մեխֆակը:

1990-1996 թվականներին եղել է Երևանի «Օրբիտա» գործարանի գլխավոր մեխանիկ:

ՊՈՂՈՍՅԱՆ ՏԻԳՐԱՆ ՎԱՐԻՆԱԿԻ, Արցախյան ազատամարտի մասնակից:

Ծնվել է 1964 թվականի հոկտեմբերի 25-ին, Երևան քաղաքում, *Տեր-Պողոսյանների տոհմում*:

1981 թվականին ավարտել է Երևանի թիվ 80 միջնակարգ դպրոցը, 1991 թվականին՝ Երևանի պետական ճարտարագիտական ինստիտուտը:

1982-1984 թվականներին ծառայել է խորհրդային բանակում:

Աշխատել է Երևանի հաշվիչ մեքենաների գիտահետազոտական ինստիտուտում, Երևանի «Արաբկիր» կահույքի ֆաբրիկայում:

1992 թվականին կամավոր մասնակցել է Մարտակերտի շրջանի Մեծշեն գյուղի սլաշտպանական մարտերին:

ՏԵՐ-ՊՈՂՈՍ որդի ՀՈՎՀԱՆՆԵՍԻ, Հայ Առաքելական եկեղեցու քահանա:

Ծնվել է Ապարանի տարածաշրջանի Արագյուղ գյուղում: *Տեր Պողոս ծխատեր քահանայի ավագ որդու՝ Հովհաննեսի տղան է*:

Նրա մասին կենսագրական տեղեկություններ չեն պահպանվել: Հայտնի է միայն, որ 1910 թվականին ձեռնադրվել է Արագյուղ գյուղի քահանա:

Ունեցել է հինգ որդի Տիգրան, Վանուշ, Գուրգեն, Վիրաբ, Բաբգեն անուններով:

Մահացել է 1911 թվականին:

ՏԵՐ-ՊՈՂՈՍ որդի **ՏԵՐ-ՀՈՎՀԱՆՆԵՄԻ**, Հայ Առաքելական եկեղեցու ծխատեր քահանա:

Ծնվել է 1803 թվականին:

1828 թվականի աշնանը գաղթել է հայրենի Բայազեդի գավառից և ընտանիքով հաստատվել Ապարանի տարածաշրջանի՝ Արագյուղ գյուղում՝ դառնալով **Տեր-Պողոսյան տոհմի նահապետը** և ազգանվանադիրը:

Ունեցել է չորս որդի՝ Հովհաննես (ծնվել է 1821 թ-ին), Գրիգոր (ծնվել է 1829 թ-ին), Կարապետ (ծնվել է 1841 թ-ին), Սամսոն (ծնվել է 1851 թ-ին) և երկու դուստր՝ Սոֆյա (ծն. 1846 թ-ին, 1862 թ-ի դեկտեմբերի 1-ին ամուսնացել է կարբեցի Հայրապետ Խաչատրյանի հետ) և Մելի (ծն. 1852 թ-ին, 1868 թ-ի փետրվարի 6-ին ամուսնացել է համագյուղացի Մրնաս Գևորգյանի հետ, մահացել է 1895 թ-ին) ամուսնեբով:

1840-1884 թվականներին եղել է Արագյուղի Սուրբ Աստվածածին եկեղեցու ծխատեր քահանա: Եկեղեցուն կից ծխական դպրոցում կրթել է գյուղի պատանիներին:

Մահացել է 1884 թվականի հուլիսի 24-ին և ամսի 26-ին թաղվել գյուղի գերեզմանոցում:

ՏԵՐ-ՊՈՂՈՍՅԱՆ-ՄԱՐԳՅԱՆ ԱՆՆԱ ԱՐՄԵՆԻ, հաշվապահ-տնտեսագետ:

Ծնվել է 1924 թվականի հունիսի 6-ին, Քիչնև քաղաքում, Էջմիածնի գավառի Ապարանի գավառամասի Արագյուղ գյուղի վերաբնակիչ Արսեն Տեր-Պողոսյանի ընտանիքում:

1946 թվականին ավարտել է ռումինական միջնակարգ դպրոցը, 1948 թվականին՝ հաշվապահական դասընթացը:

1948 թվականին Հայաստան ներգաղթելուց հետո 1951-1974 թվականներին եղել է Երևանի կիսահաղորդիչների գործարանի 2-րդ կարգի ճարտարագետ-տեխնոլոգ:

1984 թվականից բնակվում է Արագյուղ գյուղում (հոր հիշատակին հատկացված տանը):

Ունի երկու դուստր՝ Վիկտորիան (ծն. 1944 թ-ին) և Մարիան (ծն. 1952 թ-ին) և մեկ որդի՝ Արամը (ծն. 1956 թ-ին):

ՏԵՐ-ՊՈՂՈՍՅԱՆ ԱՐՄԵՆ ՍԱՄՍՈՆԻ, ազգային, ռազմական գործիչ, 1918 թվականի մայիսի 22-29-ի Ապարանի հերոսամարտի կազմակերպիչ-աշխարհագորի հրամանատար, հունական բանակի գնդապետ (1920 թ.):

Ծնվել է 1875 թվականի մայիսի 19-ին, Էջմիածնի գավառի Ապարանի գավառամասի Արագյուղ գյուղում (Բաֆթու հերոս Խենթի՝ Սամսոն



Տեր-Պողոսյան
Արսեն Սամսոնի



Տեր-Պողոսյան
Աննա Արսենի

Տեր-Պողոսյանի առաջին կնոջ՝ Աննա Տեր
Թաղևոսյանի որդին է):

Ստացել է իր ժամանակի համար լավ կրթու-
թյուն: Սովորել է Արագյոտլի ծխական դպրոցում,
ավարտել է Երևանի ուսուցչական սեմինարիան,
Սանկտ-Պետերբուրգի հատուկ զինվորական դպ-
րոցը:

19-րդ դարավերջին վերադարձել է Հայաս-
տան և, ազգային-ազատագրական շարժման
մասնակից իր ժամանակակից երիտասարդների
մեջ, անցել է Արևմտյան Հայաստան և Անդ-
րանիկի հրամանատարությամբ մասնակցել բազ-
մաթիվ մարտերի՝ աչքի ընկնել արտակարգ խի-
զախությամբ ու հնարամտությամբ:

Հայ ազգային ազատագրական շարժման
առաջնորդներից Նիկոլ Դումանի հրամանով
1905 թվականի հունիսի 4-ին իր մարտախմբով
եկել է Ապարանի տարածաշրջանի Արտաշա-
վան գյուղ և միավորելով տեղական ուժերը՝ մոտ
150 ձիավոր ու հետևակ մարտիկ, պլանավորել
է պաշտպանել Ապարանի և Աշտարակի հայկա-
կան գյուղերի բնակիչներին Արագած և Արայի
սարերի ստորոտներին գտնվող Ուշի, Համամլու,
Քուրդալու գյուղերի տեղաբնիկ թուրքերի ոտն-
ձգություններից: (Ընդհանուր հրամանատարը
Արսեն Տեր-Պողոսյանն էր իր 20 ձիավորով: Ջո-
կատի կազմում եղել են խմբապետներ Գրիգորը՝
10 ձիավորով, Կարապետը՝ 13 հետևակով, Հով-
հաննեսը՝ 20 հետևակով, Արտեմը՝ 10
հետևակով, Բարսեղը՝ 19 հետևակով: Բոլորը մի-
ասին ընդամենը 98 զինվոր, ինչպես նաև 40-ից
ավելի զինված գյուղացիներ): Օրվա կեսին թուր-
քերը նախահարձակ են եղել Սաղմոսավանք
գյուղի ուղղությամբ: Այստեղ թողնելով մի խումբ
մարտիկների՝ Արսեն Տեր-Պողոսյանը հիմնական
ուժերով փոխադրվել է Ապարանի գավառամասի
Արայի գյուղ, սակայն ստանալով թուրքերի հար-
ձակման մասին լուրը՝ հիմնական ուժերով հար-
ձակվել և մինչև կեսգիշեր գլխովին ոչնչացրել է
Արայի լեռան ստորոտին գտնվող երկու թուրքա-

կան գյուղերի և Ուշի գյուղի թուրք զինյալներին՝ հիմնովին այրելով այդ գյուղերի թուրքերի տները: Հայերն ունեցել են մեկ զոհ, թուրքերը տվել են 150 սպանված ու 180 վիրավոր:

1907 թվականին հերթական անգամ Արևմտյան Հայաստան զենք տեղափոխելիս, Արաքսի անցումի մոտ ձերբակալվել է ռուս սահմանապահների կողմից և բանտարկվել Կարսի բերդում: Մամսոն Տեր-Պողոսյանի բոլոր փորձերը որդուն ազատելու ուղղությամբ ապարդյուն են անցել: Դատապարտվել է 7 տարվա ազատազրկման և 1908 թվականին արտրվել Սիբիր:

1917 թվականին ազատվել է կալանքից և վերադարձել Հայաստան: 1917 թվականին Հայաստանի Ազգային խորհրդի նախագահ Արամ Մանուկյանը հաշվի առնելով նրա անմնացորդ նվիրումը, անարդարությունների հանդեպ անհաշտ վերաբերմունքը և փորձը՝ նշանակել է Երևանի պարետ Արշո Շահխաթունուն ենթակա ռազմականացված ոստիկանության պետ:

1918 թվականի մայիսի 17-ին Արամ Մանուկյանի հրամանով ապարանցիներից կազմված պահապան ջոկատով ուղարկվել է Ապարան՝ այս ուղղությամբ թուրքերի հավանական հարձակման դեպքում գավառի պաշտպանությունը կազմակերպելու և դեպի Երևան թուրքերի առաջխաղացումը կասեցնելու համար:

1918 թվականի մայիսի 17-22-ին Ապարանի գավառամասի պետ Մեղրակ Ջալալյանի, շրջանի հոգևոր հովիվ Տեր Հովհաննես Տեր-Մկրտչյանի հետ նախապատրաստական մեծածավալ աշխատանք է իրականացրել Ապարանի և հարևան շրջանների բնակչության շրջանում՝ աշխարհագոր կազմակերպելու, ռազմավարական դիրքեր նախապատրաստելու, այդ ուղղությունում ընդհանուր խուճապի մթնոլորտը մեղմելու ուղղությամբ: Մայիսի 22-23-ին անմիջականորեն ղեկավարել է Ապարանի պաշտպանական առաջին մարտերը, և աշխարհագորայինների միջոցով փակել Երևան արշավող թուրքական դիվիզիայի ճանապարհը՝ մինչև կառավարական ուժերը Դրաստամատ Կանայանի գլխավորությամբ հասել են Ապարանի ճակատ: Առանձնապես աչքի է ընկել Մայիսի 22-ին Միրաք գյուղի կամրջի մոտ նախապատրաստած ծուղակով: Թուրքական առաջապահ հետախուզական գումարտակը որևէ դիմադրության չսպասելով առաջացել է, իսկ Նիգավան գյուղի և Ուղտասարի լեռնաթևերում դարանակալած աշխարհագորայինները փակել են թուրքերի թիկունքը և անխնա ոչնչացրել շրջապատման մեջ հայտնված թուրքերին: Հետագա օրերին նույնպես հնտորեն է ղեկավարել իրեն վստահված չորս հազարից ավելի աշխարհագորայիններին:

Ապարանի հերոսամարտի ավարտից մեկ ամիս անց մեկնել է Պոլիս: Իր կյանքի գործը համարելով թուրքերի դեմ կռիվը, հույների կող-

մից ակտիվորեն մասնակցել է 1918 թվականին սկսված հույն-թուրքական պատերազմին: Մարտերից մեկում գնդակային վիրավորում է ստացել (տարիներ անց այդ հողի վրա կատարված ծանր վիրահատությունից հետո մահացել է): Յուզաբերած ռազմական հմտության, կազմակերպական ունակությունների համար հունական բանակի ղեկավարության կողմից արժանացել է գնդապետի կոչման: Հունաստանի թագավոր Կոստանդինը նրան պարգևատրել է շքանշանով:

Հույն-թուրքական պատերազմի ավարտից հետո վերադարձել է Հայաստան և կրկին ծառայության անցել ռազմականացված ոստիկանությունում:

Խորհրդային Ռուսաստանի կողմից Հայաստանի Առաջին Հանրապետության անեքսիայից (ռազմակալում) հետո, 1920 թվականի դեկտեմբերին անցել է Թիֆլիս, ապա՝ հեռացել արտասահման:

1921-1927 թվականներին ապրել է Բեսարաբիայում, որ այդ ժամանակ Ռումինիայի մաս էր կազմում: 1927 թվականին անցել է Ռումինիա: Չտիրապետելով ռումիներենին, չունենալով աշխատանք՝ հայտնվել է ծանր կացության մեջ: Օգնության ձեռք են մեկնել տեղաբնակ հայերը և նա նշանակվել է Բուխարեստում բնակվող Մելիք անունով հայագի մի մեծահարուստի քաղաքից դուրս գտնվող կալվածքի կառավարիչ:

Լինելով մեծ հայրենասեր, անհունորեն Հայաստանին սիրահարված մարդ, մշտապես մտածել է Հայրենիք վերադառնալու մասին: 1935 թվականին նրան մեծ առաջարկ է արել նաև եղբայրը՝ Վասակ Տեր-Պողոսյանը, Խորհրդային Հայաստանի նախկին ֆինանսների նախարարը, որ այդ ժամանակ պաշտոնավարում էր Անդրֆեդերացիայի ֆինանսների նախարարությունում: Այդ թվականներին ավելի քան 200 էջի վրա շարադրել է իր հուշերը (հուշերի երկու հաստափոր տետրերը, ցավոք, 1952-1953 թվականներին, կասկածելի հանգամանքներում, Երևանում սովորող որդու՝ Սամսոն Տեր-Պողոսյանի զբաղեցրած տնից անհետացել են):

1938 թվականի մարտ ամսին ծանր վիրահատության է ենթարկվել և մահից առաջ կտակել է մարմինը հողին հանձնել մայր հողում: Աճյունը դրվել է Բուխարեստի հայկական եկեղեցու զավթում: Հերոսին հրաժեշտ տալու համար եկել են երկրի բոլոր կողմերից: Հոգեհանգստի արարողությունը կատարել է անձամբ Ռումինահայոց եկեղեցու հովվապետ Վազգեն Պալճյան եպիսկոպոսը (ապագա Ամենայն Հայոց կաթողիկոս Վազգեն Առաջինը): Հերոսի մարմինը թաղվել է Բուխարեստի հայկական գերեզմանոցում: 1947 թվականին հոր կողքին թաղվել է նրա վաղամեռիկ դուստր 16-ամյա Մալվինան:

1948 թվականին կինը՝ Մարգարիտը, որդին՝ Սամսոնը և դուստրը՝ Աննան ներգաղթել են Հայաստան:



Բայազեղի գավառի քարտեզը:



Բայազեղի պարսպապատը, որից իջել է Սամսոնը՝ իսկնրը:
Լուսանկարը Գագիկ Հարությունյանի



Կովկասյան ճակատի
Երևանյան ջոկատի
հրամանատար
գեներալ-լեյտենանտ
Արզաս Տեր-Ղուկասովը:



Սամսոն Տեր-Պողոսյանը՝
ՍԱՄՍՈՆ Ա-Ն՝ Խենթը



Սամսոն Տեր-Պողոսյանը՝ Խենքը

1840-1884 թվականներին Արագյուղի այս եկեղեցում քահանայություն է արել Տեր Հովհաննեսի որդի Տեր Պողոսը՝ Պողոսյանների գերդաստանի անվանադիրը:



Խենքի կիսանդրին Արագյուղում

Արսեն Սամսոնի Տեր-
Պողոսյանը՝ ԱՐՍԵՆ Ա-ն՝
Ապարանի հերոսամարտի
աշխարհագրի հրամանատարը:



Արսեն Տեր-Պողոսյանը ռազմական
դպրոցի համազգեստով:



Արսեն Տեր-Պողոսյանի կինը՝
Մարգարիտան դստեր Աննայի հետ:



Արսեն Սամսոնի Տեր-Պողոսյանը Երևանի ոստոցական սեմինարիայի համադասարանցու հետ շախմատ խաղալիս:



Արսեն Սամսոնի Տեր-Պողոսյանը Երևանի ոստոցական սեմինարիայում սովորելիս:



Արսեն Տեր-Պողոսյանը ընկերոջ հետ:



Սամսոն Արսենի Տեր-Պողոսյանը կնոջ՝ Կիմա Ղազարյանի հետ:



Արսեն Սամսոնի Տեր-Պողոսյանի՝ ԱՐՍԵՆ
Բ-ի բողբ՝ երեքամյա ԱՐՍԵՆ Գ-ն



Արագյուղի
Չորաբերանի հին
բաղանաառում
պահպանվել են Տեր-
Պողոսի տան
պատերն ու կից
շինությունների
հիմնային մասերը:
Նկարներում երևում
են բուխարիով
էյուրապրահի և մեծ
սենյակի
մնացորդները: Այս
տանն են ծնվել Տեր-
Պողոսյան տոհմի
անվանի
զավակները:
Իշխանությունների
խնդիրն է այս տան
վերականգնումը և
այդտեղ
Տեր-Պողոսյանների
բանգարանի
հիմնումը:

ՏԵՐ-ՊՈՂՈՍՅԱՆ ԱՐՄԵՆ ՍԱՍՈՆԻ,
Ռուսաստանի Դաշնության բանակի փոխգնդապետ (1986 թ.):

Ծնվել է 1954 թվականի հուլիսի 26-ին, Ստեփանավան քաղաքում:

1974 թվականին ավարտել է Տամբովի ռազմական հրետանային ուսումնարանը, ստացել զինվորական լեյտենանտի կոչում: 25 տարի ծառայել է հրետանային-հրթիռային զորամասերում. եղել է դիվիզիայի հրթիռահրետանային ծառայության պետ դիցիզիայի հրամանատարի տեղակալ:

1994 թվականին անցել է կենսաբոլշակի:

Որդին՝ **Ռոմանը** (ծնվել է 1975 թ-ին) ստացել է թերի բարձրագույն կրթություն, աշխատում է շինարարությունում: Ռոմանի որդի **Արսենը** երեք տարեկան է:

Դուստրը՝ **Մարգարիտան** (ծնվել է 1979 թ-ին) 2001 թվականին ավարտել է Տամբովի պետական համալսարանի իրավաբանական ֆակուլտետը: Նույն թվականին նշանակվել է «Տամբովագրոպրոմ համալիր» բաց բաժնետիրական ընկերության իրավաբանական բաժնի պետ:

ՏԵՐ-ՊՈՂՈՍՅԱՆ ՍԱՍՈՆ ԱՐՄԵՆԻ, տնտեսական աշխատող, գործարանի տնօրեն, **ՌԻՖՍՀ վաստակավոր նորարար, ՌԻՖՍՀ պատվավոր քիմիկ:**

Ծնվել է 1926 թվականի մայիսի 10-ին, Քիշնև քաղաքում:

Տարրական կրթություն ստացել է Բուխարեստի հայկական եկեղեցու ծխական դպրոցում, սովորելու ընթացքում ապրել է դպրոցի տնօրեն Գևորգ Ղազարյանի տանը: Այս դպրոցում նրան դասավանդել է նաև Վազգեն Պալճյանը՝ ապագա Ամենայն Հայոց կաթողիկոս Վազգեն Առաջինը: 1942 թվականին ավարտել է ռումինական վարժարանը (չորս տարվա ուսման վարժը վճարել է մեծահարուստ Մելիքը), 1946 թվականին՝ բակալավրի աստիճանով՝ ռումինական լիցեյը: Լիցեյում սովորելու չորս տարիներին նախ եղել



Տեր-Պողոսյան Արսեն Սամսոնի



Տեր-Պողոսյան Մարգարիտա



Տեր-Պողոսյան Սամսոն Արսենի

է տպարանի գրաշար, ապա՝ մոր հետ աշխատել է մանածագործական ֆաբրիկայի մանածագործ:

1948 թվականին մոր՝ Մարգարիտի և բրոջ՝ Աննայի հետ ներգաղթել է Հայաստան:

1953 թվականին ավարտել է Երևանի ճարտարագիտական ինստիտուտի քիմիական ֆակուլտետը:

1953-1966 թվականներին եղել է Գորկու մարզի Չերժինսկ քաղաքի ռետինատեխնիկական գործարանի ճարտարագետ-քիմիկ, 1966-1988 թվականներին՝ Տամբով քաղաքի ռետինատեխնիկական գործարանի գլխավոր ճարտարագետ, ապա՝ գործարանի տնօրեն (այս գործարանում աշխատել է ավելի քան 8500 մարդ):

Բազմիցս ընտրվել է մարզային խորհրդի ժողովրդական պատգամավոր, արհմիության մարզային խորհրդի նախագահության անդամ:

Պարգևատրվել է Աշխատանքային կարմիր դրոշի երկու, Հոկտեմբերյան հեղափոխության, Պատվո նշան շքանշաններով, «Աշխատանքային արիության համար», «Աշխատանքային զերագանցության համար» մեդալներով:

ՏԵՐ-ՊՈՂՈՍՅԱՆ ՍԱՄՍՈՆ ՏԵՐ-ՊՈՂՈՍՅԱՆ, ռուսական բանակի զնդապետ, ազգային-ազատագրական պայքարի մարտիկ, Բաֆֆու «ձեռնթը» վեպի հերոսի նախատիպը:

Ծնվել է 1851 թվականի մայիսի 10-ին, Էջմիածնի գավառի Ապարանի գավառամասի Արագյուղ գյուղում (հետագայում՝ Աշտարակի, ապա՝ Նաիրիի շրջանի Արագյուղ գյուղ), հոգևորականի ընտանիքում, եղել է ազատ գյուղացի:

Սկզբնական կրթություն ստացել է քահանա հոր մոտ, ապա սովորել է Էջմիածնի ծխական դպրոցում, ավարտել է Էջմիածնի Գևորգյան ճեմարանը: Գերագանց տիրապետել է հայերեն, ռուսերեն, քրդերեն, թուրքերեն լեզուներին:

1870 թվականի հունվարի 29-ին ամուսնացել է համապետական Աննա Տեր Թադևոսյանի հետ:

Կամավոր մասնակցել է 1877-1878 թվական-



Տեր-Պողոսյան
Սամսոն Պողոսի

ների ռուս-թուրքական պատերազմին, աչքի ընկել քաջությամբ, խենթ հերոսությամբ դուրս է եկել Բայազեդի շրջափակված բերդից և օգնության կանչել անհրաժեշտ ուժերի:

Գեներալ-լեյտենանտ Արզաս Տեր-Ղուկասովի միջնորդությամբ այդ սխարանքի համար ռուսական իշխանությունները նրան շնորհել են սպայի կոչում, Սուրբ Գեորգիի ոսկե խաչ և նշանակել ցմահ թոշակ:

Հետպատերազմյան տարիներին շարունակել է ծառայությունը ռուսական բանակում, կատարել է հետախուզական առաջադրանքներ, քարգմանչի պարտականություններ, ավելի ուշ զբաղվել է թիկունքային սպասարկման խնդիրներով, բարձրացել սպայական աստիճանակարգով և արժանացել գնդապետի կոչման: Ծառայել է Թիֆլիսում և Սամկտ-Պետերբուրգում:

Ծառայությունից արձակվելուց հետո վերադարձել է Հայաստան:

1903-1906 թվականներին եղել է Վայոց Ձորի գավառի գավառապետի օգնական, ապա՝ գավառապետի պաշտոնակատար, 1906-1911 թվականներին՝ Էջմիածնի գավառի ջրաբաշխ:

Իր անձնական միջոցներով 1890 թվականին հայրենի Արագյուղում հիմնել է դպրոց, որի ուսուցիչներին վճարելու համար մինչև իր մահը ամենամյա ֆինանսական օգնություն է հատկացրել:

1900-ական թվականների սկզբին Գայանե վանքի մտ զտնվող գերեզմանոցում թաղված «Խենթը» վեպի հերոսուհի Լալայի նախատիպ աղջկա գերեզմանին դրել է տապանաքար՝ «Լալա» մականությամբ:

Առաջին կնոջից՝ Աննա Տեր-Թադևոսյանից, ունեցել է Եղիաբեթ աղջկան (ծն. 1874 թ-ի նոյեմբերի 12-ին), Արսեն (ծն. 1875 թ-ի մայիսի 19-ին), Արտաշ (ծն. 1877 թ-ի հունիսի 12-ին) և Վասակ (ծն. 1878 թ-ին) որդիներին, երկրորդ կնոջից՝ Սրբուհուց՝ Հումբերտ, Պավել որդիներին և Խենթուշ աղջկան:

Մահացել է Էջմիածնում 1911 թվականի ամռանը: Թաղման արարողությունը մասնակցել են Էջմիածնի, Աշտարակի ու Ապարանի գավառամասերի գյուղերի գյուղապետեր ու գյուղացիներ, կառավարական պաշտոնյաներ, Էջմիածնի միաբանության վարդապետներ, եպիսկոպոսներ, գյուղերի քահանայական դասը: Թաղման հոծ թափորը հերոսի մարմինը հողին է հանձնել Էջմիածնի Գայանե վանքի ձախակողմյան պատի տակ:

Սկզբնապես գերեզմանին դրվել է փոքր տուֆ քարից խաչքար-տապանաքար, որի վրա փորագրված են եղել միայն «Խենթ» և դրա տակ «Վարդան» բառերը: Հետագայում Ամենայն Հայոց կաթողիկոս Վազգեն Առաջինի հրամանով խաչքար-տապանաքարի առջև տեղադրվել է բազալտից սալաձև տապանաքար, որի վրա փորագրված է. «Խենթ, Սամսոն Տեր-Պողոսյան, 1846-1911, Վարդան»: Կենսագրական տեղե-



Տեր-Պողոսյան
Սուրեն Սամսունի

կոթյուններից ներքև քանդակված են իրար խաչված զույգ դաշույններ:

Պարզևատրել է Սուրբ Գեորգիի չորս խաչով, Սուրբ Աննայի շքանշանով և մեդալներով:

Հայրենի Արագյուղի գերեզմանոցի սկզբնամասում 1974 թվականին տեղադրվել է Սամսուն Տեր-Պողոսյանի՝ Խենթի կիսանդրին:

Ապարանի հերոսամարտի կազմակերպիչ Արսեն Սամսունի Տեր-Պողոսյանի և ՀԽՍՀ ֆինանսների ժողովրդական կոմիսար Վասակ Սամսունի Տեր-Պողոսյանի հայրն է:



Տեր-Պողոսյան
Սամսուն Սուրենի

ՏԵՐ-ՊՈՂՈՍՅԱՆ ՍՈՒՐԵՆ ՍԱՄՍՈՆԻ,
գյուղատնտես:

Ծնվել է 1957 թվականի մայիսի 4-ին, Նիժեգորոդի մարզի Չերժինսկ քաղաքում:

1979 թվականին ավարտել է Տամբովի մարզի Միչուրինսկ քաղաքի գյուղատնտեսական ակադեմիան:

Խորհրդային տարիներին Տամբովի մարզի տարբեր տնտեսություններում աշխատել է գյուղատնտես, ապա՝ կուլտնտեսության նախագահ:

Ներկայումս ֆերմերական կազմակերպության ղեկավար է և ապրում է Տամբովի մարզի Սերբոյակովսկի գյուղում:

Որդին՝ Սամսունը (ծնվել է 1986 թ-ին) սովորում է Տամբովի պետական համալսարանի տնտեսագիտության ֆակուլտետի 4-րդ կուրսում: Դուստրը՝ Բելան, հոգեբան է:

ՏԵՐ-ՊՈՂՈՍՅԱՆ ՎԱՍԱԿ ՍԱՄՍՈՆԻ,
պետական գործիչ, ՀԽՍՀ ֆինանսների ժողովրդական կոմիսար (1922-1928 թվականներին):

Ծնվել է 1881 թվականի հունվարի 15-ին, Էջմիածնի գավառի Ապարանի գավառամասի Արագյուղ գյուղում (Սամսուն Տեր-Պողոսյանի և նրա առաջին կնոջ՝ Աննա Տեր-Թադևոսյանի որդին է, Արսեն Տեր-Պողոսյանի եղբայրը):

Տնտեսագիտական բարձրագույն կրթություն

ստացել է Չիտայում: Մինչև 1917 թվականն աշխատել է Սիբիրում: 1917-1918 թվականներին եղել է Ճապոնիայում: 1919 թվականին փոխադրվել է Հայաստան:

1905 թվականին հարել է բուլշևիկներին:

Հայաստանում խորհրդային կարգեր հաստատվելուց հետո կատարել է պատասխանատու աշխատանքներ: 1922-1928 թվականներին եղել է ՀԽՍՀ ֆինանսների ժողովրդական կոմիսար: 1929-1930 թվականներին եղել է Անդրֆեդերացիայի ֆինանսների ժողովրդական կոմիսարիատի կոլեգիայի անդամ, 1930-1934 թվականներին՝ Անդրֆեդերացիայի պետականի նախագահության անդամ:

1934-1936 թվականներին տարբեր պատասխանատու պաշտոններ է զբաղեցրել Անդրֆեդերացիայի ֆինանսական մարմիններում:

Եղել է Ալեքսանդր Մյասնիկյանի, Ադասի Խանջյանի մտերիմ ընկերը:

Մահացել է 1936 թվականին (կարծիք կա, որ թունավորել են):

ՏԵՐ-ՊՈՂՈՍՅԱՆ ՎԱՐԿԱՆ ՎԱՍՄԱԿԻ, օդաչու, խորհրդային Հայրենական մեծ պատերազմի մասնակից:

Ծնվել է 1920 թվականին:

Ավարտել է ռազմաօդային ուսումնարան:

Մասնակցել է խորհրդային Հայրենական մեծ պատերազմին: Վերջին նամակը ստացվել է 1945 թվականին:

Հ Ա Վ Ե Լ Վ Ա Տ Ն Ե Ր

1

Արխիվային փաստաթղթեր

1859 թվականի Չափաբերական մատյան
(1859 թվականի մայիսի 22-ի մարդահամարի ցուցակ,
ՀՀ Ազգային արխիվ, ֆոնդ 93, ցուցակ 1, գործ 133)

Էջ 42-ի դարձերեսին

24. Տ/Ե/Ր Պողոս տ/Ե/Ր Հովհաննիսեան 56

որդիները 1. Հովհաննես 38

2. Գրիգոր 30

3. Կարապետ 18

4. Սամսոն 8

եղբորորդին Միլիտոն Պ/Ետ/Րոսի 15:

Եվ 5 կին (ըուրը միասին 11 մարդ):

Ծանոթագրություն. Համաձայն այս տեղեկության, Սամսոն Տեր-Պողոսյանի հայրը՝ Տեր Հովհաննեսի որդի Տեր Պողոսը, ծնվել է 1803 թվականին, նրա որդիներ Հովհաննեսը՝ 1821, Գրիգորը՝ 1829, Կարապետը՝ 1841, Սամսոնը՝ 1851 թվականներին: Այլ աղբյուրներում նշվել է, որ Սամսոն Տեր-Պողոսյանը ծնվել է 1846 թվականի մայիսի 10-ին:

1886 թվականի Չափաբերական մատյան

(1886 թվականի մարդահամարի ցուցակ,

ՀՀ Ազգային արխիվ, ֆոնդ 93, ցուցակ 1, գործ 212)

Էջ 791

33.23. Միլիտոն Պետրոսի 43 (տարեկան)

մայրը Մարգարիտ 72

կինը Մարիամ 39

որդիները Պետրոս 15

Գրիգոր 11

Մամիկոն 6

Լևոն 3

ղուստրերը Մինամ 15

Դշխու 6

85. - .	Հովհաննես Տեր Պողոսյան	56
	կինը Թազագյուլ	50
	որդին Վաղարշակ	16
	մահ. Գրիգոր եղբոր որդին Նիկողոս	22
	Նիկողոսի կինը Աննա	20
86. - .	Կարապետ Տեր Պողոսյան	46
	կինը Գարան	42
	որդիները Զոհրաբ	19
	Արմենակ	16
	Հարություն	6
	դուստրը Եսթեր	5
87. - .	պարույկի Սամսոն Տեր Պողոսյան	35
	կինը Աննա	33
	որդիները Արսեն	11 (ծն.19.05.1875 թ.)
	Ոսկան	4

Ծխամատյան 1

1855-1879 թվականներ (բացակայում է 1875 թ-ը)
(ՀՀ Ազգային արխիվ, ֆոնդ 47, ցուցակ 5, գործ 801)

Ծխամատյան 2

1881-1915 թվականներ (բացակայում են տարբեր թվականներ)
(ՀՀ Ազգային արխիվ, ֆոնդ 47, ցուցակ 5, գործ 613)

Հովհաննես Տեր-Պողոսյանը և նրա օրինավոր կին Քիշմիշ Հարությունյանը ծնել են՝

1. 1856 թ-ի օգոստոսի 1-ին դուստր Իսկուհի,
2. 1859 թ-ի հունվարի 21-ին դուստր Անատոլյա,
3. 1861 թ-ի դեկտեմբերի 5-ին դուստր Մարգարիտ,
4. 1864 թ-ի ապրիլի 15-ին դուստր Մագթաղ,
5. 1867 թ-ի ապրիլի 23-ին որդի Խորեն,*
6. 1870 թ-ի մայիսի 1-ին դուստր Թամամ:

***) Ծանոթություն.** Խորենի մասին այլուր ուրիշ ոչինչ հայտնի չէ: Մինչդեռ այլ աղբյուրներից հայտնի է, որ Հովհաննես Տեր-

Պողոսյանն ունեցել է Վաղարշակ անունով որդի, որը 1910 թվականին ձեռնադրվել է Արագյուղի ծխատեր քահանա Տեր Պողոս անունով, սակայն 1911 թվականին մահացել է:

Գրիգոր Տեր-Պողոսյանը և նրա օրինավոր կին Ալմաստ Պետրոսյանը ծնել են՝

1. 1857 թ-ի օգոստոսի 8-ին դուստր Թագուհի,
2. 1859 թ-ի փետրվարի 1-ին դուստր Համասփյուռ,
3. 1861 թ-ի հուլիսի 8-ին դուստր Երան,
4. 1864 թ-ի նոյեմբերի 2-ին որդի Նիկոլ (Նիկողոս):

Կարապետ Տեր-Պողոսյանը և նրա օրինավոր կին Գարան Հովհաննիսյանը ծնել են՝

1. 1861 թ-ի հոկտեմբերի 7-ին դուստր Ուստիան,
2. 1864 թ-ի մայիսի 15-ին դուստր Անուշիկ,
3. 1866 թ-ի օգոստոսի 7-ին որդի Գրիգոր,
4. 1868 թ-ի օգոստոսի 14-ին որդի Մեխակ,
5. 1870 թ-ի մայիսի 15-ին դուստր Փեպիրոնե,
6. 1882 թ-ի սեպտեմբերի 22-ին որդի Խաչատուր,
7. 1885 թ-ի հունվարի 12-ին դուստր Ասանեթ:

Սամսոն Տեր-Պողոսյանը և նրա օրինավոր կին Աննա Տեր-Թադևոսյանը ծնել են՝

1. 1874 թ-ի նոյեմբերի 12-ին դուստր Եղիաբեթ,
2. 1877 թ-ի հունիսի 12-ին որդի Արտաշ,
3. 1881 թ-ի հունվարի 15-ին որդի Վասակ: *

***) Ծանոթություն.** 1886 թվականի մարդահամարի ցուցակից հավաստի հայտնի է, որ Սամսոն Տեր-Պողոսյանը 1875 թվականի մայիսի 19-ին ունեցել է Արսեն անունով որդուն: Եղիաբեթ դստեր և Արտաշ որդու հետագա ճակատագիրն անհայտ է: Սամսոն Տեր-Պողոսյանի առաջին կինը՝ Աննա Տեր-Թադևոսյանը, նախքան 1882 թվականը, երիտասարդ հասակում մահացել է: Սամսոնի մյուս զավակները՝ Հունբերտը, Պավելը և Խենթուշը ծնվել են երկրորդ կնոջից՝ Սրբոսուց, մինչև 1910-ական թվականների կեսերը: Նրանց անունները Արագյուղի ծխամատյանում բացակայում են: Հավանաբար այդ ժամանակ Սամսոն Տեր-Պողոսյանը վերջնականապես հաստատվել էր Երևան քաղաքում:

Միլիտոն Պետրոսյանը և նրա օրինավոր կին Մարիամ Մելքոնյանը ծնել են՝

1. 1871 թ-ի փետրվարի 15-ին որդի Պետրոս,
2. 1875 թ-ի օգոստոսի 23-ին դուստր Եսթեր,
3. 1877 թ-ի մայիսի 10-ին որդի Մելքոն,
4. 1879 թ-ի մայիսի 22-ին որդի Մամիկոն,
5. 1881 թ-ի փետրվարի 23-ին դուստր Հեղինե:

Վաղարշակ Հովհաննեսի Հովհաննիսյանը և նրա օրինավոր կին Մարան Կարապետյանը ծնել են՝

1. 1889 թ-ի սեպտեմբերի 14-ին որդի Պողոս:

Նիկոլ (Նիկողոս) Գրիգորի Գրիգորյանը և նրա օրինավոր կին Աննա Ստեփանյանը ծնել են՝

1. 1893 թ-ի ապրիլի 18-ին դուստր Վարդանուշ,
2. 1897 թ-ի ապրիլի 18-ին դուստր Տիգրանուհի:

Մամիկոն Միլիտոնի Պետրոսյանը և նրա օրինավոր կին Սուսմբարը ծնել են՝

1. 1912 թ-ի հոկտեմբերի 1-ին որդի Գևորգ:

Լևոն Միլիտոնի Պետրոսյանը և նրա օրինավոր կին Իսկուհի Մարտիրոսյանը ծնել են՝

1. 1912 թ-ի նոյեմբերի 20-ին դուստր Սաթենիկ (մահացել է 1960 թվականի օգոստոսի 29-ին):

2

Տեր-Պողոսյանների (Պետրոսյանների, Հովհաննիսյանների) մասնակցությունը Ապարանի հերոսամարտին

1. Գրիգորյան Ավետիք Նիկոլի (18-- -),
2. Հովհաննիսյան Պողոս Վաղարշակի (1889 -),
3. Պետրոսյան Մելքոն Միլիտոնի (1877 -),
4. Պետրոսյան Մամիկոն Միլիտոնի (1879 -),
5. Տեր-Պողոսյան Արսեն Սամսոնի (1875-1938):

Տեր-Պողոսյանների (Պողոսյանների) մասնակցությունը խորհրդային Հայրենական մեծ պատերազմին

1. Պողոսյան Հումբերթ Արսենի, ծնվել է 1901 թվականին Արագյուղում, զորակազմել է 1942 թվականին, շարքային, մահացել է 1943 թվականի մարտի 17-ին:

2. Պողոսյան Կոյա Ավետիքի (1921-2006), ծնվել է Արագյուղում: Չորակոչվել է 1942 թվականին, ծառայել է հորեղբոր որդու՝ Վաչագան Պողոսյանի հետ Կերչում: Ոտքից վիրավորվել է: Ապաքինվելուց հետո մասնակցել է պատերազմին մինչև ավարտը: Չորացրվել է 1946 թ-ին, բնակվել է Երևան քաղաքում, աշխատել է առևտրի բնագավառում:

3. Պողոսյան Վաչագան Վանուշի, ծնվել է 1921 թվականին Արագյուղում, զորակոչվել է 1942 թվականին, շարքային, զոհվել է 1943 թվականին Կերչում:

4. Տեր-Պողոսյան Վարդան Վասակի, ծնվել է 1920 թվականին, օդաչու, զոհվել է 1945 թվականին:

Տեր-Պողոսյանների (Պողոսյանների) մասնակցությունը Արցախյան հերոսամարտին

1. Տեր-Պողոսյան Տիգրան Վաղինակի (ծն.1964 թ., Երևան): 1992 թվականին կամավոր մասնակցել է Արցախյան ազատամարտին:

Ն ա մ ա կ ն եր

(Արսեն Տեր-Պողոսյանի որդի Սամսոն Տեր-Պողոսյանի նամակը Տիգրան Պետրոսյանցին)

Թանկագին և հարգարժան ընկեր և եղբայր Տիգրան

Իմ հոր մասին գրելը և դժվար է և հեշտ: Դժվար է այն պատճառով, որ ես նրա մասին ամեն ինչ չէ, որ վավերական գիտեմ, ես մի փոքր մեծ էի 11 տարեկանից, երբ նա մահացավ, իսկ այդ պատահել է 1938 թվականի մարտին Բուխարեստում (Ռումինիա), ծանր վիրահատությունից հետո, 61 տարեկան հասակում: Հեշտ ու հաճելի է նրա մասին գրելը, քանի որ ես նրան մինչև այսօր հիշում ու սիրում եմ, հարգում ու համարում եմ անիծյալ ու բարբարոս թուրքերից հայության ազատագրության պայքարի մարտիկ, քաջության համար, ազնվության և կայուն բնավորության համար, փոխհամաձայնությունների չզնայու և տղամարդության համար, արդարամտության և մարդկանց նկատմամբ ունեցած վերաբերմունքի և շատ այլ բաների համար: Նա առ այսօր ինձ համար եղել և մնում է ընդօրինակման տիպար և իմ ամբողջ կյանքում ես փորձել եմ նմանվել նրան...

Լավ հիշում եմ, որ տարագրության օրերին, առանց լեզվի իմացության, բարեկամների ու ընկերների որքան դժվար էր նրա համար ապրուստի միջոցներ հայթայթելը: Որպես տարագիր, երբ տեղացիները մեզ բոլորիս նայում էին իզգոյի նման, դժվար էր նորմալ աշխատանք գտնելը: Մենք ապրում էինք Նանսենի անձնագրի հովանավորությամբ և օգտվում էինք միայն տեղի հայության բարեկամությամբ, իսկ նրանց թիվը շատ քիչ էր: Այդ հայերը գիտենալով նրա պատմությունը, «Խենթ»-ի պատմությունը՝ միջնորդեցին հորս աշխատանքի տեղավորվել տեղաբնիկ հարուստ հայի, հողատեր Մելիքի մոտ (վաղուց Ռումինիայում բնակվող):

Մելիքը Բուխարեստից ոչ հեռու ուներ կալվածք՝ մոտ 500 հեկտար մշակովի հողով, խաղողի և պտղատու ծառերի մեծ այգով, այդտեղ կար տուն-դրակ, ծառաների համար տուն (որտեղ մեզ տեղավորեցին), արտադրական կարողություններ: Ահա այստեղ նրան պետք էր կառավարիչ՝ աշխատանքը բաց էր թողնված և հայրս ուրախությամբ ձեռնամուխ եղավ այդ աշխատանքին: Նա լիքն էր կներգիայով: Ուրախալի էր, որ նա տիրապետում էր խաղողագործի և պտղաբույծի գործին: Այդ ժամանակ նաև արդեն որոշ չափով խոսում էր ռումիներեն:

Հայրիկի մոտ ի հայտ եկան կազմակերպչական կարողություններ: Արագ հասկացավ ինչն ինչոց է և շուտով այս կալվածքը սկսեց բերել լավ եկամուտներ: Կալվածքի տերը հիմնականում ապրում էր մայրաքաղաքում և երբ այցելում էր կալվածք՝ ուրախանում էր հայրիկի հաջողություններով: Տարեկան եկամուտների հաշվին, որպես պարզև, նա աշխատավարձից դուրս, հայրիկի համար սահմանեց տոկոսավճարներ: Ահա այդպես մեր ընտանիքը սկսեց ավելի բարվոք ապրել:

Ես սովորում էի մայրաքաղաքում և ապրում էի հայկական 7-ամյա դպրոցի տնօրեն, հորս ընկեր Գևորգ Ղազարյանի տանը: Նրանք մոտիկ ծանոթներ էին և նա միակն էր, ում հետ հայրս առընչվում էր: Ես հետո իմացա, որ հայրս հիասթափվել է և չի ճանաչել ոչ «աջերին», ոչ «ձախերին»: Այդ ժամանակ Դրոն Բուխարեստում էր: Բայց հայրս նրա հետ չէր առընչվում: Մայրս և երկու բույրերս գյուղում էին և օգնում էին հորս:

Դպրոցում բացի Ղազարյանից դասավանդում էին Վազգեն Պալճյանը (Բուխարեստի Հայ Առաքելական եկեղեցու ապագա եպիսկոպոսը, հետո՝ Ամենայն Հայոց կաթողիկոս) և ուրիշ շատ պատրաստված և ուժեղ ուսուցիչներ: Ես ստացել եմ շատ լավ մայնակական կրթություն և երբ քննություն էի հանձնում ռումինական գիմնազիա ընդունվելու համար՝ 10 միավորի համակարգում ստացա ամենաբարձր 9,33 միավոր, միայն այդ պայմանով ինձ՝ հայիս (առանց ռումինական քաղաքացիության) ընդունեցին ռումինական գիմնազիա: Վերջապես մեր կյանքը օտարության մեջ կարգավորվեց և թվում էր, թե այն հավերժ է...

Հայրս սկսեց գրել իր հիշողությունները: Դրանք գրեց երկու հաստավոր տետրերի մեջ (մոտ 200 էջ): Նրան օգնում և խմբագրում էր Գևորգ Ղազարյանը, որը տվյալ ժամանակահատվածի Հայաստանի դեպքերին լավ ծանոթ էր: Ղազարյանը շատ զարգացած մարդ էր, ուժեղ մաթեմատիկոս... Մի խոսքով ես նրան շատ էի հարգում և սիրում էի, ինչպես հորս:

Հայրս ամեն ինչ գրեց և ավարտեց իր հիշողությունները, բայց ես այն չկարողացա կարդալ, թեև գրված էր շատ գեղեցիկ ձեռագրով, որովհետև վատ գիտեի հայերեն ձեռագիր տառերը, բայց այն, ինչ հատակ հասկացա, այդ հիշողություններում խոսվում էր անձամբ իր մասնակցությամբ բոլոր դեպքերի մասին, թուրքերի դեմ հայերի ծավալած պայքարի մասին, այն ճակատամարտերի մասին, որոնց ինքը մասնակցել էր, իր խիզախ ձիու՝ «Յուլակի» մասին, որին ոչ մի կերպ չէր մոռանում, ընկեր-համագործակիցների մասին, Դրոյի և Անդրանիկի մասին, հայ ժողովրդի ողբերգության մասին, որ իրագործեցին թուրք զվեսակեր ենիչերիները: Հայրս անմնացորդ սիրում էր իր Հայրենիքը և միշտ մտածում էր վերադարձի մասին... Բայց դժբախտաբար նրա երազանքը չիրականացավ:

Նա չէր սիրում տեղի «ձախակողմ» հայերին; Նա կարծում էր, որ հենց նրանք են դավաճանել Հայրենիքին (բայց նաև Դրոյի հետ հատկապես չունեն): Եվ հայրս առանձնացել էր իր գյուղում, աշխատում էր ամբողջ ուժով, որպեսզի ինչքան հնարավոր է ավելի գումար կուտակի և մայրիկին ասում էր. «Ինչ իմանանք, թե դեռ ինչեր կարող են լինել»:

Սիրելի Տիգրան, հորս հայաստանյան կյանքի և գործունեության վերաբերյալ ավելի շատ տեղեկություն կարող ես հայթայթել այլ աղբյուրներից Երևանում, Էջմիածնում, Ապարանում (իմիջիայլոց, երբ տարիներ առաջ ես եղա Ապարանում, այցելեցի գերեզմանոց և պապիկի հուշարձանը, հասկացա, որ մարդիք շատ բան գիտեն իմ պապի և հորս մասին): ...

Այնուամենայնիվ վերադառնանք իմ պատմությանը: Հորս հիշողությունների և Գևորգ Ղազարյանի ճակատագիրը շատ տխուր ու ողբերգական է:

Գևորգ Ղազարյանին 1946 թվականին, երբ Բուխարեստում էին գտնվում խորհրդային զորքերը, իր տարեց կնոջ հետ (ես նրան «մեծ մամա» էի անվանում) ձերբակալեցին և տարան ինչ որ տեղ Ռուսաստանի խորքերը: Ես շատ ծանր տարա այդ հարվածը և ցավում եմ նրանց համար առ այսօր: Հորս «Հիշողությունները» ես մեծ դժվարությամբ պահպանեցի, անցկացրեցի խորհրդային սահմանը (Խորհրդային Միություն ներգաղթելիս՝ Բաթումիում մեզ սահմոկեցուցիչ ստուգման ենթարկեցին), բայց պահպանել չկարողացա, բանի որ այն անհայտ հանգամանքներում անհետացավ Երևանում, երբ սովորում էի ճարտարագիտական ինստիտուտում: Ես առ այսօր չեմ կարողանում մտածել, թե դրանց մասին ո՞վ է իմացել: Ես բնակվում էի մորս քրոջ տանը... Մի խոսքով, ավիստս, բայց այդ տեսրերը չկան:

Հայրս մահացավ 1938 թվականին, երբ ընդամենը 61 տարեկան էր: Մահից որոշ ժամանակ առաջ նա Երևանից նամակ ստացավ իր եղբայր Վասակ Տեր-Պողոսյանից: Վերջինս նրան կոչ էր անում վերադառնալ Հայրենիք: Հայրս ուզում էր հենց այդպես վարվել և համոզում էր մորս. «Արի թողնենք այս կալվածքը և վերադառնանք, չէ որ մենք հայ ենք»:

Բայց... այդ ցանկությանը վիճակված չէր իրականություն դառնալ (և գուցե լավը այդ էր): Նա շուտով հիվանդացավ, նրան վիրահատեցին ու մահացավ:

Նրան թաղեցին մեծ հանդիսավորությամբ՝ որպես հայ ժողովրդի հերոսի և հերոսի որդու: Նրա մարմինը հրաժեշտի համար դրվեց կաթոլիկ եկեղեցու գավթում: Տեղի հայերն անվերջանալի շարքով գալիս էին հրաժեշտ տալու հերոսին: Հայ եպիսկոպոսն անձամբ էր կարդում աղոթքը և պատմում էր նրա կյանքի և պայքարի մասին, նրա ընկերները թախծում էին ու մեզ հետ միասին լալիս:

Հորս թաղեցին հայկական գերեզմանոցում: Տարիներ անց այդ-տեղ թաղեցին նաև իմ շատ սիրելի փոքր բրոջը՝ Մավինային, որ ընդամենը 16 տարեկան էր: Մենք չկարողացանք նրան փրկել. բժիշկները ցածրակարգ էին, իսկ լավ բժշկության համար մենք աղ-բատ էինք և փող չունեինք: Հայրիկի մահից հետո մեր՝ մայրիկի, երկու քույրերիս կյանքը վատթարացավ: Կալվածքի տերը վոնդեց մորս և չվճարեց հորս աշխատած գումարները (դրանք պահվում էին նրա մոտ) և մենք, առանց ապրելու միջոցների, հայտնվեցինք Բուխարեստում: Մայրս ընդամենը 38 տարեկան էր (նա հորս հետ ամուսնացել էր 18 տարեկան հասակում Երևանում): Նա հորս շատ էր սիրում և մինչև կյանքի վերջը մնաց նրան հավատարիմ: Ընկեր-ները օգնեցին և մայրիկն աշխատանքի անցավ տրիկոտաժի ֆաբ-րիկայում, իսկ ես շարունակեցի ուսումս գիմնազիայում: Կարծես կալվածատիրոջ խիղճը արթնացավ և նա իմ ուսման վարձը վերց-րեց իր վրա: Մեկիքը Բուխարեստում ուներ մեծ տուն, իսկական պալատ, ուներ շատ ծառաներ, խոհարարներ և նրանց հետ ինձ տեղավորեց նկուղում, որտեղ ես ապրեցի 4 տարի և ավարտեցի գիմնազիայի 4 դասարանները: Վարժարանում ուսումս շարունակե-լու համար հանձնեցի քննությունները և պիտի սովորեի ևս 4 տա-րի, որպեսզի ստանայի ասեստատ, բակալավրի դիպլոմ՝ ինստի-տուտ ընդունվելու համար: Եվ այստեղ ինձ կանչում է Մեկիքը և ասում. «բավական է սովորես, գնա կոշկակարի աշակերտ»: Ես հրաժարվեցի: Նա ինձ վոնդեց և ասաց, որ էլ ոչ մի կուպեկ իմ վրա չի ծախսի: Ես աշխատանքի տեղավորվեցի տպարանում՝ գրաշար և կազմարար (այդ մասնագիտությունը սովորել էի աշխատանքի ու-սուցման դասերին), որոշ ժամանակ անց տեղափոխվեցի մորս ֆաբրիկան և դարձա ջուլիակի օգնական, ապա՝ ջուլիակ և շարու-նակեցի ուսումս վարժարանում:

Ես դարձա լավ ջուլիակ և ինձ միշտ գովում էին:

Այդպես էլ մենք ապրում էինք... Մա օտար երկրում երկար տա-ռապանքի և նվաստացման պատմություն է:

Եվ, երբ 1946 թվականին հայերին հավաքեցին հայկական եկե-ղեցու մոտ, եպիսկոպոսը (Վազգեն Պալճյանը, ապագա Ամենայն Հայոց կաթողիկոսը) և խորհրդային դեսպանատան աշխատակից Բարզեն Աստվածատուրյանը հայտնեցին, որ Խորհրդային Միու-թյունը որոշել է հայերի ներգաղթ կատարել՝ մենք շատ ուրախա-ցանք և առանց մտորելու զրվեցինք ցուցակում:

1946 թվականին ավարտեցի ուսումս, առացա ասեստատը և բակալավրի դիպլոմը և 1948 թվականին, երբ եկավ մեր հերթը, վե-րադարձանք Հայաստան, հայերի մոտ, որոնք մեզ սիրով ընդունե-ցին: Այն ամենը, որ ներգաղթի ցուցակը կազմելիս խոստացվել էր մեզ՝ անվճար բնակարան, բուժսպասարկում, աշխատանք և ինձ համար ամենակարևորը՝ ուսումը, ամբողջովին կատարվեց: Մենք

պետության հատկացրած գումարով տուն կառուցեցինք, որտեղ մինչև իր կյանքի վերջը ապրեց մայրս, նրան աշխատանք տվեցին Շահումյանի շրջանում, տնից ոչ հեռու, ես ընդունվեցի Երևանի ճարտարագիտական ինստիտուտի քիմիական ֆակուլտետը:

1953 թվականին ավարտեցի ինստիտուտը, ստացա ճարտարագետի դիպլոմ, ամուսնացա համակուրսեցուս, ճարտարագետ Կիմա Սուրենի Ղազարյանի հետ և ուղեգրով աշխատանքի մեկնեցինք Գորկու մարզի Չերժինսկ քաղաք: Գործարանում մեզ նշանակեցին քիմիկներ: Այս գործարանում ես արտադրության կազմակերպչի մեծ փորձ ձեռք բերեցի: 1966 թվականին մախարարությունը ինձ և կնոջս փոխադրեց Տամբով քաղաք, որտեղ ես նշանակվեցի քիմիական պաշտպանության միջոցներ արտադրող մեքենաշինական գործարանի գլխավոր ճարտարագետ: 8 տարի անց ես նշանակվեցի գործարանի տնօրեն, որտեղ աշխատեցի մինչև 1988 թվականը, մինչև թոշակի անցնելս: Ինձ նշանակվեց հանրապետական կարգի թոշակ, դարձա աշխատանքի վետերան, շատ շքանշանների ասպետ, ՌԽՖՍՀ վաստակավոր նորարար, պատվավոր քիմիկոս:

Մրանով նամակս ավարտում եմ: Մնում է միայն շնորհակալություն հայտնել, որ զբաղվում եք մեր տոհմի պատմությամբ:

Հարգանքով՝ Սամսոն Արսենի Տեր-Պողոսյան:

Տամբով, 10 մայիսի 2004 թ.:

(Արսեն Տեր-Պողոսյանի որդի Սամսոն Տեր-Պողոսյանի նամակը Տիգրան Պետրոսյանցիին)

Հարգարժան ընկեր, եղբայր Տիգրան

Ես շատ շնորհակալ եմ Ձեզնից իմ հոր հիշատակի, իմ տոհմի, իմ հանդեպ տածած այդօրինակ ուշադրության համար:

Ձեզ հետագա հաջողություններ եմ մաղթում գրողի և պատմաբանի շնորհակալ աշխատանքում:

Բոլոր դեպքերում երկիրը կարիք ունի գրքերի, որոնք երիտասարդների մեջ դաստիարակելու են հայրենասիրություն և նրանց մշտապես հիշեցնելու են ժողովրդի հերոս որդիների մասին: Շնորհակալություն Ձեզ: Շնորհակալություն նվիրած գրքերի համար: Այդ գրքերը ջերմացրեցին իմ հոգին:

Ես պարտադիր կօգտվեմ դրանցից իմ թոռներին և ոչ միայն նրանց դաստիարակելու գործում: Ես արդեն ունեմ Արսեն անունով ծոռ: Նա դեռևս երեք տարեկան է: Նա իմ փոխգնդապետ որդի Արսենի թոռն է:

Իմ ընտանիքը բազմանդամ է՝ տասնչորս մարդ: 1953 թվակա-

նին, երբ Կիմա Սուրենի Ղազարյանի հետ Երևանից գործուղումով եկանք այստեղ աշխատելու՝ միայն երկուսով էինք: Այսօր 14 ենք: Ճիշտ է, ի մեծ սուգ ինձ, Կիման արդեն չկա, բայց աշխարհ են գալիս նորերը, որոնց մեջ մեր հայկական գեներ է: Եվ դեռ ծնվելու են նոր Սամսոններ, Արսեններ, Սուրեններ և ուրիշ շատ Տեր-Պողոսյաններ...

Եվ նրանց բոլորի համար Ձեր գրքերը շատ օգտակար կլինեն:

Ձեզ հետ լրիվ համաձայն եմ պատմական Մեծ Հայաստանի հայկական անունների օգտագործման առումով. ճշմարիտ է, որ «չկա պատմական հայերեն անունը՝ չկա ժողովուրդը»:

Մեկ անգնչան ուղղում: Իմ հայրը չէր կարող 1921-1927 թվականներին ապրել Բուլղարիայում, քանի որ և իմ ավագ քույր Աննան և ես ծնվել ենք Բեսարաբիայում, որ այն ժամանակ Ռումինիայի կազմում էր: Հայրս Հունաստան և Բուլղարիա մեկնել է 1924 թվականին: Հորս ծննդյան թվականը սխալ է նշվել. նա ծնվել է 1877 թվականին:

Մի խնդրանք էլ: Որքան հնարավոր է շատ գրեք Արևմտյան Հայաստանի մասին: Անհրաժեշտ է, որ ամբողջ աշխարհը նորից ու նորից և միշտ հիշի արևմտահայերի հերոսական պատմության մասին: Անհրաժեշտ է, որ բոլորը ճանաչեն և դատապարտեն թուրքերի ու քրդերի արյունալի գործողությունները: Որ հայերին վերադարձվեն վեհապանձ Արարատն ու մնացյալ բոլոր հողերը: Այդպես է ուզել իմ պապ Սամսոնը, իմ հայր Արսենը, Անդրանիկը և բոլոր նրանց զինակիցները:

**Հարգանքով՝ Սամսոն
/Սամսոն Արսենի Տեր-Պողոսյան/:**

Տամբով, 29 մարտի 2008 թ.:

6

Հ ու շ ե ր

**(Հատված Արսեն Տեր-Պողոսյանի կնոջ՝
Մարգարիտա Գրիշայի Տեր-Պողոսյանի հուշերից)**

... Նրան (Արսենին՝ Տ.Հ.) սիրում էի, որովհետև նա քաջ էր, սիրում էր իր Հայրենիքը, սիրում էր անսահման և պատրաստ էր կյանքի գնով պաշտպանել իր երկիրը: Նա աղքատ էր, չունեք ոչ մի բան. ոչ տուն, ոչ փող: Սակայն այլասեր էր և իր վերջին կոպեկը կտար ավելի կարիքավորին: Նա բարի ու ազնիվ էր, անկեղծ, հավատարիմ իր ազգին: ... Ինձ համր կյանք չկար առանց իրեն: Նա իմ հույսն էր, իմ հավա-

տը, իմ պաշտելի հերոսը: Մինչև մահ նա կմնա իմ սրտում: Ինձ կհե-
րեք, որ շեղվեցի, որովհետև Նա եկել է լաչքիս առաջ, ես տեսնում եմ
նրա գեղեցիկ հասակը, սև աչքերը, որ ոչ մի մարդ չունի աշխարհիս
երեսին: Նա ապրում էր ինձ համար:

(Հուշերն ընդգրկում են ամուսնության օրերից միասին անցկացրած
տարիների հատվածը: Դրանք երբեմն ժամանակային տարբեր դեպքերի
միավորում են, որից դժվար է ճիշտ եզրահանգումների գալ, երբեմն հա-
կատում են այլ աղբյուրներից հայտնի ու հավաստի պատմությամբ: Եվ
այդ ամենը հասկանալի է դառնում վերը շարադրված հատվածից, քա-
նի որ Մարգարիտան առասպելական սիրով է սիրել Արսենին և նրան
է վերագրել շատ ու շատ իրողություններ: Այս հուշերից իմացվում է
նաև, որ Ապարանի պատմական հերոսամարտից հետո ծանր հարաբե-
րություններ են ձևավորվել Դրոյի և Արսենի միջև՝ առաջինի կողմից
թուրքերի հետապնդումը կանգնեցնելու պատճառով: Սա պատճառ է
դարձել, որ Արսեն Տեր-Պողոսյանը չհնազանդվելու համար մի քանի
օրով կալանավորվի: Այս հավաստի տեղեկությունն էլ լույս է սփռում
արդեն Բուխարեստում Դրոյի և Արսենի սառը հարաբերությունների
փաստի վրա, ինչի մասին իր նամակում նշել է Արսենի որդին՝ Սամսոն
Արսենի Տեր-Պողոսյանը):

(Հատված Միերան Հովհաննեսի Մուրադյանի նամակից ուղղված Սամսոն Արսենի Տեր-Պողոսյանին)

...Ձեր հանգուցյալ պապ, Բաֆֆու «խենթ» Սամսոնին առաջին ան-
գամ տեսել եմ 1908 թվականին իմ ծննդավայր Էջմիածնի շրջանի
Գրամփա գյուղում, երբ նա Էջմիածնի գավառի ջրաբաշխն էր: Օգոս-
տոսի կիզող օրերից էր: Սամսոն Տեր-Պողոսյանը եկավ սպիտակ ձի-
ով: Գլուխը բաց էր, հագին սպիտակ վերնաշապիկ, դեմքը վարդա-
գույն, գեթ, լայն այտերով, արծվի հայացքով, գեղեցիկ ու մեծ աչքե-
րով, լայնաթիկունք: Եկավ կանգնեց գյուղամիջի մեծ շինարի ծառի
դիմաց: Գյուղացիները, որ մինչ այդ չորացող հողից էին խոսում՝ մի-
անգամից վերադարձան իրականություն՝ փրկության ափ: Ծառի ստ-
վերում անմիջապես գորգ գցեցին, բարձեր դրեցին ու հյուրին առաջ-
նորդեցին հանգստանալու: Գյուղացիները խոսեցին երաշտի մասին,
ասացին, որ եթե մոտակա օրերին ջուր չլինի՝ խաղողի ամբողջ բեր-
քը կփչանա: Սամսոնը լսեց բոլորին և մի կես ժամից շքախմբով
պտտվեց դաշտերում: Տեսածը գերազանցեց գյուղացիների պատմա-
ծը: Դաշտից վերադարձավ գայրագին ու ասաց, որ երկու օրից ջու-
րը կլինի: Նա խոսքի տեր մարդ էր ու գյուղացիները նրա խոսքին
հավատում էին: Ջրաբաշխի պաշտոնը չափազանց դժվարին պաշտոն
էր: Էջմիածնի գավառում հայտնի ջրաբաշխներ եղել էին, բայց Սամ-
սոնի նմանը չկար: Նրա նման արդարադատ, անշահախնդիր, քաջ ու
անվախ պաշտոնյա ոչ թե Հայաստանում, այլ Անդրկովկասում էլ
չկար: Եվ եթե նա ասաց, որ ջուր կլինի՝ այդպես էլ լինելու էր: Եվ,

իրոք, երկու օրից Էջմիածնի գյուղերի կիզվող հողերը կենարար ջուրը ստացան...:

Միերան Հովհաննեսի Մուրալյան

(Նամակը գրվել է 1984 թվականի մայիսի 13-ին: Հեղինակն այն ուղարկել է Տամբով՝ Սամսոն Արսենի Տեր-Պողոսյանին: 2004 թվականին վերջինս նամակն ուղարկել է Տիգրան Պետրոսյանցիին):

7

Բ ա ն ա ս տ ե ղ ծ ա կ ան տ ո ղ եր

Աշուղ Անդրանիկ Մտեփանյան

Ապարանի հերոսամարտը (քառատող)

...Զաջ Վարդանի նման էր կռվում Սեդրակը,
Ետ չէր մնում նաև Խենթի զավակը,
Էլ չէին նայում թուրքի զորքին, քանակին,
Ջարդում էին մեկ աջ, մեկ ձախ թուրքերին...:

Գարեգին Ապարանցի

Ապարանի հրաշափառ ճակատամարտը (Ե., 2005 թ., էջ 16-19)
(հատված պոեմից)

Արայի լեռան զմրուխտ լանջն ի վար
Խենթի գյուղն է լույսով զառեքվում,
Ուխտի են գալիս բյուր հազար հայեր,
Անմահ հերոսին գլուխ խոնարհում:
Գալիս են նրանք հոգով զորանան,
Իրենց արյունը հավատին խաչեն,
Դարերի վիշտն ու ցավը մոռանան,
Ջորացած հոգով նոր պայքար մղեն:

Ասպետը եկավ իր զորախմբով,
Հրաման տվեց մեկնել Ապարան,
Մրմուռ կարոտից թեղած իր հոգով
Խաչակնքելով թեքվեց գերեզման:

Ծնկեց պապերի ծաղկած շիրիմին,
Կոացավ, տխուր մի հոգոց հանեց,
Արյան մեջ ցուլաց Խենթի խենթ ոգին
«Մուրն է փառահեղ, Հաղթանակ զորաց»:

Պապ, թող եմ, եկել եմ այցի,
Արյուն է կաթում սրտիցս վառվող,
Միթե հայ մայրը միշտ պիտի լացի,
Իր գլխին տեսնի կեռ սուրը ճոճվող...

Պապ, ասկյարը Էրզիրն ավերեց,
Ծոցվոր, մեր, մանուկ սրի են քաշվել,
Էրզրի դաշտերի շեները վառեց,
Կարին ու Վանը քանդեց, ավերեց:

Պապ, զորավոր երկինքը վկա,
Թուրքի ցին երբեք այստեղ չի թռչի,
Մեր սրի ծայնով հաղթություն կգա,
Մեր գոռ ցասունը վաղը կշաչի:

Ծունկի եմ եկել քո լույս շիրիմին,
Թող խնկաբույրը երկինք բարձրանա,
Պապ, անպարտ է հայ ազգի ոգին,
Երբեք ու երբեք նա չի մահանա:

Աշխարհագորը ոտքի է ելել,
Եվ Ուղտասարում պատրաստ է կռվի,
Ծեր, մանուկ ու մայր դարձել են զինվոր,
Դարձել են զորեղ, անպարտ ֆիդայի:

... Էսադը կուզի մտնի Ապարան,
Մարդարապատին թիկունքից զարկի,
Պապ իմ, քո կամքով ու քո օրինությամբ
Աշխարհագորով գնում ենք մարտի:

Տիրոջ Սուրբ Խաչը թող մեզ պահպանի,
Ուժ տա մեր բազկին, հոգին զորանա,
Շինական զորքին մարտադաշտ տանի,
Ամեն մի գեղջուկ մի Վարդան դառնա:

... Ննջեք հավատով, ով մեր Նախնիներ,
Սուրբ տաճարների զանգերն են շաչում,
Տեսլացած, անտես հայոց ոգիներ
Մեզ՝ ապրողներին, մարտի են կանչում:

Արսենը նորից շիրիմն համբուրեց,
Բորբորեց վառվող կրակը խեցու,
Խենթացած ոգով ձին ասպանդակեց,
Աշխետը ճախրեց հեծվորին հլու:

... Ու Խենթի որդին հրեղեն վարզում,
-Շողովուրդ, ելեք, մեր հերթն է զարկի,
Թուրք ենիչերը դեռ չի հասկացել
Ո՞ւմ հոգու դեմ է դուրս եկել մարտի:

Մեր հավատամքի լուսեղեն տաճար,
Քո լույս վեհությամբ մեզ գոտեպնդիր,
Մեր Հավատամքի հրեղեն Խաչքար
Տիրոջ փառահեղ խաչով մեզ օծիր:

Չոն Ապարանի ճակատամարտի (հատված երգից)

...Կռվի դուրս ելան Նգա զավակները,
Նրանց կողքին էլ՝ Հայոց տան հարսները,
Արսեն ու Մեղրակ գորապետներ քաջ,
Կռիվ մղեցին դաժան, աննահանջ,
Երդվեցին կռվել, հողը սուրբ պահել,
Անարգ թշնամուց իսպառ ազատվել:

8

«ՆՆԵՆԹԸ» ՎԵՊԻ ՀՐԱՏԱՐԱԿՈՒԹՅՈՒՆՆԵՐԻ ՄԱՏԵՆԱԳԻՏԱԿԱՆ ՑՄԱԿ

Հայերեն

1. 1881 թ., Շուշի, Միրզաջան Մահտեսի Հակոբի տպարան, 400 էջ:
2. 1890 թ., («Ջալալեդդինի» հետ միասին), Մոսկվա, Մ.Բարխուդարյանի տպարան, 554 էջ:
3. 1905 թ., («Ջալալեդդինի» հետ միասին), Վիեննա, Մյսիթարյան միաբանության տպարան, 524 էջ:
4. 1913 թ., («Ջալալեդդինի» հետ միասին, արևմտահայերեն), Կ.Պոլիս, Հրանտ Խտշյանի տպարան, 384 էջ:
5. 1913 թ., (արևմտահայերեն), Կ.Պոլիս, Հրանտ Խտշյանի տպարան, 308 էջ:
6. 1931 թ., («Ջալալեդդինի» հետ միասին), Աթենք, 364 էջ:
7. 1937 թ., Բեյրութ, մատենաշար «Ազդակ», 432 էջ:
8. 1937 թ., Բոստոն, «Հայրենիք» տպարան, 362 էջ:
9. 1955 թ., Երևան, Հայպետհրատ, Բաֆֆի, Երկերի ժողովածու, 10 հատորով, հ. 3, էջ 73-378:
10. 1962 թ., Երևան, Հայպետհրատ, Բաֆֆի, Երկերի ժողովածու, 10 հատորով (երկրորդ հրատարակություն), հ. 3, էջ 71-366:
11. 1966 թ., («Ջալալեդդինի» հետ միասին), Վիեննա, Մյսիթարյան միաբանության տպարան, 378 էջ:
12. 1970 թ., («Հարեմի», «մսկի արաղաղի» և պատմվածքների հետ միասին), Երևան, «Հայաստան» հրատարակչություն, 680 էջ:
13. 1978 թ., («Լսաչափողի հիշատակարանի» հետ միասին), Երևան, «Սովետական գրող», 688 էջ:
14. 1982 թ., («Ջալալեդդինի» հետ միասին), Երևան, «Լույս» հրատարակչություն, («Դպրոցականի գրադարան» մատենաշար), 416 էջ:

15. 1984 թ., («Ջալալեդդինի», «Րարիբ մշեցին»)-ի հետ միասին, Բաֆֆի, Երկերի ժողովածու, 10 հատորով, հ. 4, էջ 147-424:

Ռուսերեն

1. 1901 թ., Թիֆլիս, թարգմանությունը Ն.Մ. Կարա-Մուրզայի, 328 էջ:
2. 1908 թ., Թիֆլիս, թարգմանությունը Ն.Մ. Կարա-Մուրզայի (երկրորդ հրատարակություն), 282 էջ:
3. 1957 թ., Երևան, Հայպետհրատ, թարգմանությունը Ն.Մ. Կարա-Մուրզայի, Մ.Սկրյանի առաջաբանով, 313 էջ:
4. 1959 թ., Մոսկվա, («Ռսկի արադադի») հետ միասին, Գոսլիտիզդատ, թարգմանությունը Ս.Խիտարովայի, Ն.Տեր-Հակոբյանի առաջաբանով, էջ 139-374:
5. 1962 թ., Երևան, Հայպետհրատ, թարգմանությունը Ն.Մ. Կարա-Մուրզայի, Մ.Սկրյանի առաջաբանով, 263 էջ:
6. 1969 թ., Երևան, «Հայաստան» հրատարակչություն, Մ.Սկրյանի առաջաբանով, 236 էջ:
7. 1978 թ., Երևան, «Սովետական գրող», թարգմանությունը Ս.Խիտարովայի, 294 էջ:

Վրացերեն

1. 1902-1903 թթ-ին, Թիֆլիս, թարգմանությունը Բ.Շվանգուլյանի, «Մոամբե» հանդես, հունվար-մայիս:
2. 1903 թ., Թիֆլիս, թարգմանությունը և առաջաբանը Բ.Շվանգուլյանի, 312 էջ:

Մուղավերեն

1. 1958 թ., Քիչնև, թարգմանությունը Ն.Մուրզայի, 284 էջ:

Այլ օտար լեզուներով

1. 1902 թ., Պապագ (չեխերեն), թարգմանությունը Օ.Ս.Վետտիի (Ալ.Կուտելկայի), 454 էջ:
2. 1905 թ., Վիեննա (գերմաներեն), թարգմանությունը (*), 528 էջ:
3. 1908 թ., Ստամբուլ (թուրքերեն), «Իքթամ» պարբերականում:
4. 1926 թ., Բուխարեստ (ռումիներեն, հատվածներ), «Արարատ» շաբաթաբերթում, թիվ 23, էջ 24, թիվ 24, էջ 2-4, թիվ 25, էջ 2-3:
5. 1950 թ., Բոստոն (անգլերեն), թարգմանությունը տիլկին Ջեյն Ս. Վինգեյթի, «Պայքարի» հրատարակություն, 362 էջ:
6. 1968 թ., Բուենոս-Այրես (իսպաներեն), թարգմանությունը անգլերենից Ադամ Ֆ. Մոսարի, խմբագրությամբ Ալիսիա Կիրակոսյանի, 396 էջ:

**ՕԳՏԱԳՈՐԾՎԱԾ
ԳՐԱԿԱՆՈՒԹՅԱՆ ՑԱՆԿ**

Գրքեր

Գարեգին Ապարանցի, Ապարանի հրաշավառ ճակատամարտը (երկու պոեմ), ճակատամարտի մասնակիցների լուսանկարներ, Ե., 2005:

Գևորգյան Համլետ, Ազատագրական պայքարի հերոսապատումից, Հեղինակային հրատարակություն, Ե., 2006:

Դարյան Ջ., Քասադ, ժողովածու, Ե., 1962:

Դարյան Ջ., Ասը Նզա, Ե., 1983:

Հայկական համառոտ հանագիտարան, հ. 4, Ե., 2003, էջ 735:

Հայկական սովետական հանրագիտարան, հ. 1-13, Ե., 1974-1987:

Շախխաթունեանց Յով., Ստորագրություն կաթողիկե Էջմիածնի և հինգ գաւառացն Արարատայ, հ. Բ, Էջմիածին, 1842:

Պիկուլ Վ. Բայագետ (վեպ, ռուսերեն), Մոսկվա, 1985:

Րաֆֆի, Երկերի ժողովածու, հատոր չորրորդ, Ե., 1984,

Տիգրան Հայազն (Տիգրան Մնացականի Պետրոսյանց), Ապարանի հերոսամարտը, Հեղինակային հրատարակություն, Ե., 2005 թ., 54 էջ, 2 թերթ նկար, տպարանակ՝ 1000 (առանձին տրվել է Արսեն Տեր-Պողոսյանի կենսագրությունը և առաջին անգամ Հայաստանում տպագրվել է նրա լուսանկարը):

Հոդվածներ

Դանդյան Հայկ, Ով է Խենթը, «Հայոց լեզուն և գրականությունը դպրոցում», 1985 թ., թիվ 6, էջ 19-20 (տպագրվել է Սամսոն Տեր-Պողոսյանի լուսանկարը):

Դանդյան Հայկ, Րաֆֆու հերոսի նախատիպը Էջմիածնում, «Կոմունիզմի համար» (Էջմիածնի շրջանային թերթ), 1986 թ., 6 մայիսի, էջ 4:

Հովհաննիսյան Ջուլիետա, Րաֆֆու հերոսների նախատիպերը: Րաֆֆին Էջմիածնում, «Կոմունիզմի համար», 1986 թ., 1 ապրիլի, էջ 3:

Պետրոսյան Վլադիմիր, Նրանք հայրենիք էին պաշտպանում, Ապարանի ճակատամարտի 70-ամյակը, «Երեկոյան Երևան», 1988 թ., թիվ 123, էջ 3:

Պետրոսյանց Վիկտոր (Պետրոսյանց Տիգրան), Հերոսամարտի փառքն անմահ է. Բաշ-Ապարանի ճակատամարտի 70-ամյակը, «Ավանգարդ», 1988 թ., 22 մայիսի, թիվ 63, էջ 2:

Պետրոսյանց Տիգրան, Բաշ-Ապարանի ճակատամարտին առնչվող մի քանի հարցեր, «Հայաստանի Հանրապետություն», 1998 թ., 28 մայիսի, թիվ 103, էջ 5:
Սարգսյան Արամայիս, Խենթն ու իր գերդաստանը, «Հայրենիքի ծայն», 1968 թ.:

Ֆրանգուլյան Էդվարդ, Մեկը, որ հազար արժեր (Արսեն Տեր-Պողոսյանի մասին), «Ապարան», 1998 թ., 28 մայիսի:

Արխիվային նյութեր

ՀՀ Ազգային արխիվ, ֆոնդ 93, ցուցակ 1, գործ 133:

ՀՀ Ազգային արխիվ, ֆոնդ 93, ցուցակ 1, գործ 212:

ՀՀ Ազգային արխիվ, ֆոնդ 47, ցուցակ 5, գործ 801:

ՀՀ Ազգային արխիվ, ֆոնդ 47, ցուցակ 5, գործ 613:

ՀԵՈՒՄԻՍԱՅՈՒՅԱԿ

Ազգանուն, անուն, հայրանուն	քնակ.	բջջային
Պ		
Պողոսյան Ալբերտ Վանուշի	340302	093.338938
Պողոսյան Արմինե Ալբերտի	340302	
Պողոսյան Գայանե Ալբերտի	340302	
Պողոսյան Ռաֆայել Հոմբերտի		094.302620
Պողոսյան Վանուշ Ալբերտի	340302	093.658887
Պողոսյան Տիգրան Ավետիքի	223481	091.721185
Պողոսյան Սամվել Վրույրի	276962	
Տ		
Տեր-Պողոսյան Սամսոն Արսենի	007.4752.532235	

ՏԻԳՐԱՆ ՀԱՅԱԶՆ

ԽԵՆԹԵՐԸ

**Գրքի շապիկիկին օգտագործվել է վաղամեծիկ գեղանկարիչ
Ռուբեն Ոսկանյանի «Վերածնունդ» նկարը**

Խմբագիր՝ Մելանյա Պետրոսյանց
Գեղ. խմբագիր՝ Արգիշտի Պետրոսյանց
Շարվածքը, էջադրումը՝ Հրաչյա Պետրոսյանց

Ստորագրված է տպագրության 16.04.2008 թ.:
Ծավալը՝ 3+0.5 մամուլ: Տպաքանակը՝ 1000:





ԽԵՆԹ

ՄԱՍՍՈՆ



ԽԵՆԹ

ՄԱՍՍՈՆ

ՆԵՐ-ՊՈՂՈՍՅԱՆ

1846-1911

ՎԱՐԴԱՆ

